


廣東通志

特別
1508
1



四ノ名6
番 1508
巻 1-32

四ノ名5
番 1508
巻 1

特

廣東通志序

惟

今上在宥天下文恬武熙垂三
十年海隅日出之邦靡不委命
皈心奉若明德一時文武大吏
百司庶府越在疆場者咸得閒
於戎事以修潤色之業東粵去



陸心源印

天萬里先督府廣陵陳公大科
以視師至念粵嶺海都會文獻
實埒中土奈何紀乘脫畧徵信
惟艱方策之弗圖政將安傳有
如季札韓起其人得以如濡之
轡求多于在事者無論掌故實
闕亦安所據以揚大風而知周

禮盡在魯乎於是與直指馬公
文卿謀於藩臬大夫胡君心得
等共圖所以方策粵者僉謂粵
故有通志成于宮詹黃公迹熄
且四十年紹聞今日否亦今日
乃以幣介光祿郭公槩王公學
曾少叅袁公昌祚及所徵文學

賢良若而人館之穀之盟之申
之先期檄十勑長吏各以方言
來會乃按宮詹舊本合而訂之
已復裒之益之更之定之體裁
不必同要以竊取筆削備萬年
文獻之傳則炳炳乎其大觀也
役告竣屬陳公馬公繼直指顧

公龍禎各以事代去余不佞耀
承乏陳公後偕直指李公時華
聿觀厥成諸公謂不佞宜有言
以弁簡端不佞每聞談粵者以
為粵故荒服地開闢肇自秦漢
心竊疑之及考堯命羲叔宅南
交舜巡狩至衡山奏九成于韶

石彼其時粵故已入職方高固
傳書之事海濱鄒魯之稱居然
出秦漢以前烏在其薊髮文身
不可以冠帶理也假令聲教之
弗考第以開闢攘地爲功則始
皇武帝賢於唐虞二典所垂徒
虛語耳即劉安之書具在亦豈

能令粵人蒙此聲也晉唐至今
禮樂征伐代有主者然而廣狹
異地分合異時治亂異軌仁暴
異政君子小人異尚休咎災祥
異變亦孰測其畫一哉我

太祖神武開基

列聖相承其間佐命弼諧策勲

廣東通志 卷一百一
累伐之臣多繇粵起二百年來
朝廷一切大制作大因革粵不
以遐僻而不與聞海澨山陬一
或弗寧至厯

上命轉餉徵兵必底定而後已
國家於粵奚啻外府視之願年
來事變稍異不無可虞前此幅

圓常蹙矣今開疆剖符何郡蕪
有而空虚如故也前此守備常
略矣今重墉屹立敵臺捍門而
踈玩如故也前此兵力常絀矣
今四郊之戍居內六寨之屯居
外能海不波而莽不伏乎前此
版籍常溷矣今丈以覈之清以

釐之窮簷之下能浮者盡汰而
逋者盡供乎前此內外常肅矣
今貢舶番夷雜處近地保無五
部左賢之隙乎前此餽餉常給
矣今邊儲贖鍰悉括上供保無
空軸脫巾之變乎前此風俗常
厚矣今僭侈憑陵在在見告保
無妨貴凌長之釁乎且也礦稅
珠池天精地脉自中使啣

命採權並出十郡蒸黎幾無完
膚嶺海之虐于斯極矣夫受必
趨之勢則思其自始覩方漸之
萌則慮其適歸不愆不忘率由
舊章此亦酌古濟今之一時也


廣東通志
孔子有言在人賢者識其大者
不賢者識其小者莫不有文武
之道焉迺今筆削則宗孔氏文
獻則本唐虞

令甲章章何論大小若審時因
俗興壞扶微革薄還淳亨屯保
泰儀刑儆戒方策具存不習爲

吏視已成事魯無君子斯焉取
斯是編也其裨于吾黨大矣古
者天子巡狩于方岳陳詩觀風
尤必引見其高年有德之士至
以用舍爲慶讓才不擇地何必
去父母之邦今耆碩方正連袂
衡門十畝之間謫籍居半山川

之靈不鬱滯則不大發時與事
會著述若爲先徵楚書不云乎
惟善以爲寶毋使萬世而下有
若季札韓起其人第謂粵國開
闢肇自秦漢且執劉安之籍以
羞海濱也則二三君子手澤具
在不佞何力之有焉

欽差總督兩廣軍務都察院右
都御史兼兵部右侍郎漳南戴
燿頓首書



粵東通志敘

萬曆庚子冬季不佞奉

命按粵東越明年春仲粵志告
成因披覽迴環不覺神王雖未
即躬徧方內而一切大較歷歷
如指諸掌則為之歛衽曰善志
哉大而覈簡而談婉而嚴麗而

不靡非良史才孰能載筆若此
於是藩臬諸君子暨鄉之縉紳
先生相率而屬不佞為之敘不
佞與有巡方之責其又奚辭夫
自羲叔平秩而宅南交召虎經
營而至南海源澗望韶石虞泉
重華之遺跡在焉則粵為中國
南境明甚而禹蹟揚州之域厥
貢瑤琨篠蕩齒革羽毛率不異
今之粵產古所稱揚粵非誣已
迺尉佗自謂居蠻夷久此何以
稱焉無亦明王不作聲教弗訖
於海而島居卉服之人反竊據
以自雄故耶而後世遂以粵為

蠻服自漢始通中國舍虞夏之
文而取信於目論固知其無當
也粵之有志蓋昉於鐸氏微迨
漢有南裔志晉著交廣春秋而
粵之聲名文物斌斌紀載間矣
獨怪曲江以一代宗臣而不為
全廣作志不能無遺慨焉自宋
及元僅存崖略其佚而弗傳者
不可勝數也 明興黃宮詹佐
綜覈古今爰成通志文與實副
鬱為一代鴻裁而說者猶有遺
議乃者邦之縉紳先生如郭光
祿卿棊王光祿丞學曾袁藩叅
昌祚皆所謂良史才也制府七

閩戴公前直指姑蘇顧公以為
三君子幸而家食斯志也非三
君子孰能修之乃檄所司將幣
以請而三君子慨然以為已任
相與考鏡圖經蒐羅掌故刪繁
舉要據事直書彙粹分門臚陳
昉列逞逞嚴衮鉞於筆削寓經
濟於文章蓋不朽之洪業而寰
中之善志也李子曰不佞讀斯
志也不能無古今之慨焉粵故
稱樂國土沃而民饒山海之珍
甲於寓內其鍾於人則鉅公名
碩相望後先至明猶盛蓋
列聖之所培植二百年於今非

一朝夕之故矣頃不佞行部
諸郡國類多物力凋耗閭里蕭
條殊不類籍中所紀豈物盛則
衰風氣使然歟無亦比者發天
地之房探珠輦寶蕭然煩費而
疲於奔命歟獨幸鴻猷駿節樹
惇譚道之士則古猶今耳嗟嗟
豐瘠者數幹運者人今欲復浩
穰之初養和平之福墾菑除患
轉危為安是惟我二三大僚及
郡國諸賢相與戮力同心隨時
調劑務在成就安全以立元元
之命庶幾哉漸復夙昔泰寧風
烈嗣是書之大乘與先民焜燿

無窮已時則斯志也將藉以益重而不佞實亦與有榮施矣是為敘

萬曆辛丑嘉平月穀旦

巡按廣東監察御史黔南李時華撰



廣東通志序

越嶺以南襟帶山海稱都會舊已說者猥云荒憬則以為漢陸大夫使越越迺通不者猶然椎結豈以九丘散佚終不可問耶唐虞之際典謨史傳所稱述南交韶石蹟匪磨滅下此則商著

獻令周咏疆理其比隆中土非
一日矣至於載籍圖經則晉唐
盛焉蓋天地之氣自北而南而
乾坤磅礴惟海滋大其闡育于
初未始不發杼于後故紀載詳
畧可以觀風越固南漸之極也
其至每遲昌明之運中天而始

耀攷在

肅皇帝朝則直指戴公宮詹黃公
先後志之蓋千古得失之林而
瓊琅之府也逮今餘四十年其
間州邑開設以十計勲賢建立
以百計戶籍登耗以千計至於
採山竭澤之使絡繹不絕於道

徑竇旁開漁獵四出比之夙昔
憲章紛更者又不但以萬億計
世代嬗禪日異而月不同寧令
其脫畧殘闕使後之人無所考
鏡而因革也乎前司馬廣陵陳
公直指黔南馬公竊有慨焉而
欲新之時則勲卿郭公棐勲丞
王公學曾藩叅袁公昌祚皆世
所推博雅君子也有筆如椽會
居家食殆天惠越人而貽之三
先生以執纂脩之事猶集二三
儒彥燃藜騁目兼采旁搜豈徒
庖羞獨割尸祝引助乎哉無何
陳馬二公遷去今司馬戴公前

直指顧公相繼蒞事而今直指
李公寔董飭之辛丑秋余不佞
濫竽藩政昕夕飲冰猶懼爽侮
而忝盛典爰戒吏人除客館勾
掌故拓工資以佐之編摩雙校
再歷寒暑幸邀諸使者之靈三
先生之惠獲睹其成有榮施矣
而標華揚美寧能授簡于臺使
者後乎雖然史記尉佗乘黃屋
稱制者近百年至高固著傳時
世已目之為海濱鄒魯故晉景
純先生南抵靈洲稱為盛衣冠
之氣亶其然與况華風醞釀迨
今日也不佞曩奉

爾書督屯齏于臬偶以督學使者
闕遂越俎攝試事車轍幾遍粵
中得以攬勝探竒大都與紀載
所稱不謬獨金銀珠寶之氣徒
存空名於籍今茲之來則東土
會計之司錢穀之吏也主會計
則言會計蓋不能不咨嗟流涕
為粵民悲矣夫越揚州之遐域
厥田並下下耳則壤成賦不煩
使節追呼歲所灌輸以應公家
卒不敢後于率土粵之民其三
代直道之民乎丙申以來水旱
兵凶歲無寧日小民其咨救死
不贍隣境猶欲為晉而越為秦

鴻鴈嗷嗷越則中澤斯又難矣
乃茲稅賦日增率土胥困越所
輸至盈二十萬緡海而鹽蜃數
而薪烝毫析銖筭視率土倍則
倍困矣豈東南財力越最稱饒
而因饒取之耶夫下之奉上也
不難先率土而用其情上之取
下也奈何倍天下而重之困漢
臣曰琴瑟不調甚者必解而更
張之日

天子軫念元元下咫尺罷諸一切
夫非琴瑟更張時乎未幾而反
汗征斂如故辟諸東野畢之御
馬馬力竭矣而猶求焉將敗蹟

壓覆是思不佞所以按圖撫籍
咨嗟流涕而求以寬之無繇也
嘗觀天下風氣蓄極必洩洩極
必窮窮復返樸粵之民力竭矣
窮極此其興耶三先生翩翩稱
良史才要以志中所紀述字嚴
袞鉞義昭勸戒正欲使吏茲土
者睹運甓易瓦之勤而警慵也
誦鐵漢貪泉之咏而砥節也撫
三洲九成之臺而尋理閩也追
還珠沉香遺履之風而清化源
也察馴鱷分茅銅柱之跡而擣
枕無帽也讀罷荔括地之疏而
赤衷思效也繼自今景行戮力

以濟時艱而挽風靡樹駿流鴻
非異人任將無以是編為秦鏡
乎抑有說焉蕭鄴侯主計關中
給餽不絕則以圖籍在握動知
虛實耳不佞交交謬總越中財
賦使額數茫然無所印證亦何
以知今日之故而慰此越人然
則三先生之大有助於不佞者
是志也它日藏之名山遺之令
則寧使薰歇響絕竹素空垂銀
書未續者哉於是乎序
萬曆壬寅相月上瀚之吉
廣東等處承宣布政使司左布
政使浙東暨陽陳性學頓首譔



廣東通志序

古人有言曰人毋以水監當以
 人監監也者鑑也照往昔映來
 茲法戒犁然意莫良于史春秋
 尚矣秦漢以還載乘滋浩乃涑
 水上下數千年而作通鑑通鑑
 等史耳今列郡有志猶列代有

廣東通志

序四

劉瑞寫

史通志無亦通鑑遺意歟粵故
有通志從來久遠余庚子入粵
屬有重修之役于時光祿郭公
棐王公學曾少叅袁公昌祚狎
主壇坫三君子所為殫歲月之
纂組搜竹素之琛賚煌煌乎作
者已志成余悉得受而卒業焉
乃嘆方輿有定人事何常當其
魄兆必有超然獨創于無前而
後乃得因緣損益以嚮其成粵
故介在南裔說者謂迄秦漢始
罷縣然詩稱疆理南海虎之績
爛焉而韶石舜祠猶有可憑而
吊者帝質王文美哉始基之矣

漢更兩禪始解推而正襟

皇明版章一統粵之盛冠帶衣履天下上下數千年間揭暗宵而耀震旦盪腥氛而鏡至清疇非人力哉近不具論論其創者俯粵王之宮問黃屋左纛安在則終賈之餘勁吾謂循賢于樓

船十萬衆也南指庾關梅將軍之名與嶺並峙而曲江金鏡一代遺直風度誰復有似焉者東瞰惠潮馴鱷魚之暴者伊何人孤臣遷客文彩與江山代炳其靈撫石室三洲則濂溪理學之淵源如覩麒麟山下金縷隱隱

則宣卿始魁天下之趾存焉菁
峒漲洋上霧下潦冥冥乎珠崖
銅柱之界奠山晏海之勳可得
而書矣他若高固發祥于啣穀
孟嘗流澤于還珠隱之砥節于
酌泉唐羌抗疏于貢荔錫光以
禮義扇華風茨充以藝殖阜民
業諸如此類夫非烈然聲施嶺
海間者哉夫此數君子亦人耳
匪宦于斯即生長于斯乃其蜚
光騰實鋪鴻鑠景皆前此所未
有之事而身親見之可不謂至
難後有繼者亦推車之于負子
也要以因流觀化執準扶繩而

輕重布之何遽異人任是故鏡
度數則知所調變鏡方域則知
所經理鏡兵賦則知所節縮鏡
風俗則知所變化鏡物產則知
所封殖鏡徵應異類則知所修
弭夫孰非人事之斡旋而道藝
文章之彪炳耶嗟乎天地之大

東西易嚮文武之道張弛迭用
俛仰間耳而山川已多陳跡欲
酌古證今而紀乘弗備即意匠
才斤烏寄損益乎虞周雖隆匪
巡狩經營之蹟見乎詩書後亦
靡得而聞矣故夫方冊之于人
目也譬則火然入夕室而百物

彰火之燿也而目假之為明以
古鑑今何以異茲今之粵亦猶
古之粵也而循故討實則去古
已不逮自山海且憂不給而况
其他乎夫代謝而不可膠者時
也輩出而不可窮者人也古人
有之以為利以此思因因可知
已今人有之以為害以此思革
革可知已與善同事罔不昌與
不善同事罔不崩故曰鑑于水
不過知妍醜鑑于人可以知失
得學士大夫覽是志而一方之
文獻燦然指掌鑑孰朗于是昔
夫子因魯史作春秋而大義獨

嚴于褒誅毋非以人事為兢兢
今志進李迢之死節退盧循之
亂賊此其所託者微矣余故闡
其意而直推本人事以俾後之
宦于斯生長于斯者時知所攷
鏡而力還之古則是書也豈徒
以侈縹緗騁著作云爾哉異日
者

天子命外史以四方之志進而
藏之王府太史受而總其成吾
且以是比于涑水通鑑云
廣東等處提刑按察司提督學
校副使四明袁茂英撰



其而

台

廣東通志序

粵有紀載其來逖矣高固相楚
 鐸椒發其微自是王範有交廣
 春秋揚方著吳越春秋或輯十
 三州記或編瓊海方輿各成一
 家言未粹其全也

皇明道化淪濡裨乘猶備戴直指

環創為初藁鬱有體裁黃宮詹
佐始輯全書備極藻績第自絕
筆以來迄今又四十禩凡吏治
之因革學校之創修城郭之經
營官署之建置以及宦轍陞遷
賢才選舉與夫所改而縣縣陞
而州皆時政攸關不有纂組後
將何攷制府維揚陳公大科直
指馬公文卿爰議修志左轄游
公應乾右轄胡公心得金謀胥
同乃肅刺具幣詣不佞斐倩偕
王祿丞學曾袁藩叅昌祚總其
事而以恩選林生挺文學黃生
作霖霍生尚守盧生廷龍朱生

完劉生克治張生鴻黎生遠昌
各司分校未幾馬公代去游胡
二公並以擢行而直指顧公龍
禎繼至則偕左轄王公泮右轄
王公任憲使王公民順胡公桂
芳大叅李公同芳憲副章公邦
翰余公夢鯉李公開芳陳公鳴
華少叅周公應治劉公一瀾胥
議以巳亥九月念七之吉肅筵
開局各矢精白惟公維忒以綜
志務克治尋以恩選北上完罷
內艱中輟自冬十一月至七月
凡九閱月諸青衿緣大比期逼
告假比撤棘而盧生廷龍張生

鴻掇魁北上諸生以冬十一月
復局辛丑春制府長泰戴公燿
直指貴陽李公時華先後下車
視志益虔催竣惟亟憲副學道
袁公茂英朱公燮元相繼督學
諮詢志事爰以藁上叅閱發梓
乃直指尤銳精研磨創理學傳
以翼文運選留挺作霖尚守遠
昌四生編讀委番禺司訓黃天
榜督其工天榜尋以憂去而番
禺倅錢栢代之時黎生遠昌先
辭歸省挺偕作霖尚守增闕訂
譌焚膏繼晷又越三月剗刷就
緒制府戴公直指李公左轄陳

公督學袁公各有弁言陸離炳蔚翼斯志以傳不朽甚大美也諸君子謂不佞總其役當序其繇左轄陳公復命之不敢以斐斐辭蓋聞志者志也尼父曰吾志在春秋夫春秋魯之史也仲尼假二百四十年行事之權筆削之列而為經褒善貶惡以尊周室仲尼之志見矣茲粵志何志哉亦惟尊 王朝崇省會聯羸國而已是故志緣乎治者也因乎勢者也藉乎力者也治之盛者志從而盛焉不則異是有出于勢力之所能為者有悞于

勢力之所不得為者以近事論
張官置吏凡以為民也近析置
羅定州新安普寧等九邑各設守
令撫綏之是子惠之澤也崇墉
新築以鞏海邦外寇突來恃之
無恐是保鄣之衛也琶洲建塔
以樹捍門衆水所趨一方

是華表之勝也府庠鼎修規
宏廓直闢前門以暢靈秀之氣
是文明之會也飭條鞭蠲夫甲
禁加耗杜接濟抒忠漑悃則求
世之仁也答二廣之鹽弊定七
款之規則以寬乎商而亦利于
國則濟時之畫也此其勢力之

所得為者志之所備載也至於
時勢齟齬所不能為君子何可
終愬然乎昔士行運甓於舍墜
博塞於江士心惕然知向于止
茲則法禁之勢諭之而不能止
是風俗不如前也口和居衡杜
門公府不一覲其面曰神龍以
以不見為德茲則望門投刺諂
咲締交是士氣不如前也哨船
目兵以防海也茲則船圯朽不
足以衝犁兵老羸不足以戰守
器械苦窳不足以擊刺是兵之
蠹也進餉歲有定額而驟加二
十萬民何以堪直指抗疏未奉

俞音是餉之蠹也黠酋據我海澳
紅夷又從交訏伊川幸有之嘆
不得不動君子深長之思也西
南二支之派一來朝宗一護順
莞舊勢然也茲則沙壅水涸不
趨會省久闕朝宗之水不得不
勤君子經緯之慮也凡此皆力
之所不得為者志之所深念也
或曰志猶藏府而宦績獻徵尤
重焉管子曰十年之計樹木百
年之計樹人一樹十穫者木也
一樹百穫者人也粵之宦賢樹
植有自來矣測景疆理而下酌
泉惜陰停碑却硯之儔皆百世

之雋也李忠簡嘗言曲江之張
日南之姜晚得劉瞻于滹詫炎
方之多賢也繼是若增江之清
獻瓊山之文莊忠介會之白沙順
德之文康增城之文簡南海之
文敏又襄德業焜煌又非以則志
之光耶不佞唯唯備書之以論

于後之君子時則右轄蔡公應
科憲使林公如楚大叅盛公萬
年任公可容分守嶺東朱公東
光前瓊州督學程公有守各度
其事適觀其成前廣郡守方君
遂今郡守沈君响雷即推陳君
三槐各殫心力勤督前南海令

君琰今令王君循學前番禺令
君之秀今令穆君天顏尤悉心
綜覈克襄盛典者也至若郡佐
湯君塾署香山郡倅馮君運吉
者番禺海防陳君道淳郡倅廖君守
晉咸揭報惟勤纂修攸賴若
韶州郡守王君以通惠州郡守
何君偉肇慶郡守陳君濂德慶
州州守沈君有巖前南海令吳
君寤相今香山令張君大猷順
德令倪君尚忠東莞令翁君汝
遇新會令周君思稷清遠令劉
君幼學新寧令熊君文華連山
令林君裕陽皆與有勞例得備

書云

萬曆壬寅秋吉光祿寺卿致仕
番禺郭棐頓首拜撰



廣東通志初稿序

奉化戴璟 廣東
容御

璟奉 命叨按廣東維是偏州下邑匹馬馳驅過荒
郊每見田夫野叟率改容咨諏爰輯按廣事宜且載
閭閻收棘以敷我胃腸以為民述矣尋以賦役弗均
時方觀瘡復更定賦役文冊以辰告顧通志先年屢
纂不成虛糜數百金士民相與嗟曰及今不宣乃心
以貽盛典不啻蠹財將來文獻不其或稽予曰然乃
案發布政司舉行先是南川陶公以元老秉節鉞於
茲土亦案行各府取志爰禮聘文學鉅公總理志事

皆不至維是提舉張岳教授何元述教諭王時中
暨學生十餘員至館予命分野等六十餘條俾各安
舊志纂錄尚多牴牾踈畧士民咸嗟嘆以爲汗青
日矣予愕然曰可遂罷乎乃筮得乾之大有厥錄
吉予季春瓜期已及天復遲我迄秋弗獲代亦維示
我聞茲敷賁以植後夫準規况王事靡盬我菲人何
印自恤哉乃亟理公事暇閱書秉筆肆惟日旰忘食
及舉燭達旦者十餘旬亦維矜我憚人負痛孔將肆
獲探脉察色我憂慘慘若弗爲攻藥亡方厥疾曷

哉且我何知時有弋獲輒爲前叙後贊精白芻蕘罔
非爲耄倪是葵諸官生所纂關政事蠲丞民情康悒
者始書此此臆瞤厥辭削去越大事雲散鳥沒復加
博采以杜爽侮維一統志時配皇天各府志出自壽
考吾有述罔作有削靡增恐涉請張乃類僂僂人不
將曰飛鉗揣摩暴棗伴對哉於是復取人物傲行廣
州三學師生暨鄉士夫且稽首再拜語之曰茲舉爲
采民風持公道某也賢與衆旌之某也不肖與衆箴
之月旦協矣朱墨昭矣君子平衡而勿遐心矣衆命

曰善哉志文可傳矣予駭曰夫志也者探淵海也也者相金玉也反是皆非也其誰與傳且我何敢好名以圖傳哉甚不得已也凡以恤時艱而脩我使職也詩曰期逝不至而多爲恤我咨東廣吏聚蚊民穿雀政决隄賊伏狼吾將掃之平之培之夷之而以期逝不及矣故播告載備冀存典刑以不迷我國家之明訓天覆吾地載吾維知忠乃君澤乃民豈與瑣瑣蝸角爭雌雄哉故志名初稿弗敢自稱時叙惟俟後君子疆畎我田塗茨我室焉爾矣嗚呼凡百^世尚

知我既心慎事相與莫麗敦彝罔敢不臬則於廣人不無涓埃之助而在我僭踰之罪少逭一二也夫

廣東通志序

香山黃佐

少詹事兼侍講學士

吾廣十郡各自為志今會而通之者何居蓋備一方
 文獻以牖民彝而迪我 聖明之率典也在昔唐虞
 聲教暨南交之日久矣疆理于周作鎮于楚南武紀
 于漢先賢傳于吳記志圖經迭出于晉唐之間文獻
 非不足也然不會而通之則統之無宗紛員覓瑣甚
 或略鉅而詳小遺古而稗今無乃草澤之私言與欽
 惟 太祖高皇帝之有天下也稽古立政首命儒臣
 倣周禮建邦圖數與張弛貢賦為洪武志志繫以紀

年者示繼述貽萬世也天順初元 英廟始成一統

志惟識其大者而五 屬與焉然成化以後所增諸縣

猶未之登載也嘉靖乙未侍御四明戴公璟乃纂通

志成於倉猝命曰初稿意將有待云丁巳少司馬督

府毘陵談公愷覽而少之檄我藩司聘予俾重加芻

輯予病謝不能也代以奉化王公鈞禮請益敦會侍

御姑蘇徐公仲楫至枉顧衡門稽首再拜以請予業

已納還幣聘力謝固辭公請愈虔至于再三而幣復

重拜不獲終辭乃於仲冬開局于貢院左轄新建魏

公良貴大叅莆田張公英新建吳公桂芳主譙泉閣

諸公則陪位焉時少叅錢塘陳公善溫陵田公楊職

守在外寔與聞之前期有司咨者舊索經籍至是告

備而所徵鄉進士陳紹文黎民表梁紹曾及予中子

在素皆集予乃發凡舉例歸諸廣郡太守會稽陶君

人有達于有位僉以 為韙然州縣續志積至百餘方

博求往古以補事之鉅而畧者不遑及也郡檄復徵

庠生多辭不至越明春至者惟曾元魯陳萬春陳冕

歐大任林喬黎民懷梁有兆與焉人各分彙表不踰

三凡四閱月而竣事惟碑碣詩文交互鼎來視之快
焉莫能鑒也諗于魏公曰焉有綜貫百家能裁摘菁
華者乎曰顧提舉起經其選也乃召顧君以監膳至
局刪節分註已於事而竣歷代題名前脫後闕考之
茫焉莫能補也諗于陶君曰焉有閱覽載牒能研覈
古今者乎曰陳縣丞達其選也乃召陳君以供餼至
局參伍傳記已於事而竣於是草創編爲七十卷會
紹曾北上惟留陳黎二生討論脩飾然題辭論贊猶
謙讓未遑予則總之顧所紀錄悉確有據惟潤色而

已何者千鈞之重加以錙銖則移萬里之流祛其蕭
蒿則駛予奚容心於其間哉第性本踈愚言且耄拙
幽晦頗作載筆殊艱每欲已之適王公擢憲留臺代
以莆田鄭公綱亟令有司贊成其事而侍御歸安潘
公季馴尤惓惓注意遂缺諸梓仍檄學諭陳君其箴
劉君裁康君日章次第校讐會潘公以交代去左轄
姑蘇楊公伊志大叅豫章徐公南金皆以遷去而右
轄豐城雷公賀大叅萬安劉公慤少叅盱江袁公應
樞海鹽馮公臯謨僉以校完遂貯諸庫以俟代巡侍

御漢陽蔡公結左轄福清翁公世經偕至而後頒行
焉凡三歷寒暑而後成蓋事事不敢苟故也予乃拜
手颺言曰猗乎一方文獻庶其備矣哉惟 皇上
帝降衷于下民有恒性焉日用由之而不知則寢以
澆訛匪獻敷厥政化將泯泯焚焚于何其又惟后王
君公降德于兆民有成憲焉承以大夫師長而罔所
鑒觀則易以愆忘匪文緝厥訓典將敗制越軌于何
其率是故善思治者厚其生殖均其地征以綏之阜
其財求利其器用以富之茂正其德節邁其性以教
之而又輕繇少事以振其急約法省刑以持其後使
之務利而避害懷仁而畏威此輔世之大經也然猶
時遣皇華之使諏謀詢度慶賀其福事賻補其札喪
調委其凶荒橐餼其師役哀吊其禍裁凡此五物者
治其事故及其利害爲一書其禮俗政事教治刑禁
之逆順爲一書其悖逆暴亂作慝猶犯令者與夫因
喪荒而厄貧及康樂和親安平者又各爲一書焉外
史合爲四方之志掌其成書稽之政令以保天下元
元畏天命而憫人窮故也是則會而通之者其來尚

矣遵我 太祖作志之初猷其諸周禮是宗乎故大
司徒掌地域廣輪之數令遂人造縣鄙形體之法刑
方正其犖離司書括其圖記量人分其涂數保章辨
其星野用是土訓掌道地圖以詔地事誦訓掌道方
志以詔觀事如指諸掌矣始總一方中列十郡而終
以羅浮南海者粵之望也是皆志之管也故首圖經
訓方氏掌道政事與其上下之志傳而誦之乃爲編
年自周訖于正德道今眎昔鑑戒炯矣其猶資治之
史乎故次之以事紀太宰施典于邦國以治官府邦

則牧監州縣國則封建諸侯官則用人府則理財後
世不能易也我 朝揆文教奮武衛設方伯連帥監
夏殷而損益之猶夫周也書其姓名邑里作職官表
大司徒以三物賓興必先德行今也藝焉而已然猶
馳恩以勸孝焉作選舉表國有仁賢則職方之圖土
地人民政事賴之矣由是庠序之教始于釋奠鄉射
旣于大宗伯五禮皆可舉也凡大合樂必遂養老肆
絃歌施英韶以協大師律同皆可奏也禮樂明備則
文章煥然可述故凡書掌於外史者達于四方廣之

罔極而琬琰昭焉作五志乃若攷德行察道藝大
夫以興賢能者內史因之脩諸家母有壞於廷者其
馭叙一而已矣故名宦有聲茲土人物罔玷厥與者
與夫流寓之進退列女之貞烈皆核實作列傳而吳
教諸夷祥青神怪則爲外志終焉猗乎蒐之弗精輯
之弗詳是謂猶備寔予之罪也夫抑又嘗竊聞之尚
書大傳南交宅于荆揚裔土非至秦漢而後通中國
也證以水經註則陶水之渚有堯行宮而舜奏九成
于韶石逃聞雖若不可究結然羲叔平秩夏伯貢樂

蹟其在茲與周公之懲荆舒也蠻揚之翟得與王會
孔子作春秋有鐸氏微而高固相楚傳其書于服嶺
故海濱稱鄒魯寔秦漢之先也獨慨夫屯門放洋葱
嶺倭奴之間猥行天竺之教斷髮偏袒不過裸國之
雄爾中華道汚妖氣召之於是達磨駐廣以楞伽印
心盧能居韶以壇經傳法非無言語文字也宋人黃
安石蘇轍輩靡然歸之喜其頓悟超脫自見本性出
乎六籍之外吾人染焉自是堯舜周孔之道馴而不
純矣其流至於束書不觀浮談無根政治弗疆禍且

逮國厓山之敗蓋可睹也元品南人寘儒於娼丐之間而尊西僧為帝師演蝶悖淫典禮盡滅書曰不虞天性不迪率典殆胡元之謂與我太祖驅除元亂申明五常論道化之本惟師堯舜精一執中設官分職以為民極則行周公之法度治世良規復誦孔子節愛之言而師法之然則將欲正風俗得賢才俾民一變至道誠無以易此矣當是時敗倫之誅榜示天下而吾廣夫婦之愚不肖無一犯者薦紳先生又多博學反約行道濟時之英然顛悞相謾談禪而侮聖

學者間亦有之觀於外志則八蠻以天竺為禍首設使人盡脩禪從事於涅槃示寂則生靈何辜而自撥焚如之慘乎古之邁種德以式今者至明也而自昧之天之降葆命以牖民者至善也而自棄之翩其反而吾道自足無以旁求為也誦法聖人之言而內省其私恒與德性相感發則典禮之叙秩於天者由衷而出尊親等殺動皆中節名教樂地薰為太和上帝降之百祥皇極嚮用五福周禮慶賀之事當滋至矣書曰其稽我人之德矧曰其有能稽謀自天

殆今日之謂與夫仁者擇善以裨身知者備禍於未形邇來夷寇交侵誰不思禦其書召禍柰何惑之是故民之志於趨福也猶赴冬日之陽夏日之陰也禁胡書以端其習遵成憲以厚其生則民志定而妖氛熄矣是編也採摭頗繁舊志百僅存一大類皇華分彙而合成之雖無甚高論然愚者一得於輔世福民之道獨諄切焉其事則粵其文則史其義則通天下之志苟潤澤而時措之豈但備一方文獻而已哉於戲且但備一方文獻而已哉

廣東通志凡例

一省有通志猶古列國有史也其義例倣一統志特加詳焉或大書或分註煩簡之別也遇國朝惟空一字如古金石刻例焉

一藩省志以先十郡有全圖有分野有形勝有氣候有事紀有公署有學校有禮儀有賦役有兵防視十郡特爲總焉

一郡縣首嶺南則廣州韶州南雄次嶺東則惠州潮州次嶺西則肇慶高州次海北則廉州雷州次海

南則瓊州其羅定則新附焉

一志首圖經以詔地事古之制也載在周官故圖輿地於前揭指要於後以便經畧自藩省而郡縣其率也

一分野以察災祥嶺服在牛女之分雖氣有微旺精則相屬故天道遠人道邇然而不可廢也

一事紀者紀時事也治亂者時災祥者歲得失者人事有則書疑則闕

一沿革如交趾部在漢初治羸樓元封中改治蒼梧

南海諸郡屬焉吳始以交州治番禺步隲七燮表分交廣二州呂岱始爲廣州刺史以前皆書交趾部至如廣有蕪州蕪亦有蕪州廣有東莞齊亦有東莞廣有萬州蜀亦有萬州此不可不辨也

一山川表其鎮望古蹟竒勝名流所題品者餘不悉錄

一輿地首城池次公署次學校次坊都次舖驛次橋渡次水利臚列焉覽要在司牧

一戶口田賦省有司總府有府總州縣隸焉自洪永

嘉隆萬曆皆書其詳以辨登耗

一兵防粵縮山海故兵制特詳自署職以迄關隘或沿舊或增設或徙移緩急惟其時皆備書之杆城之衣初也

一秩官首臺臣以及監司府州縣尊 王制也其兩臺所經畧具見事紀以表駿績焉

一選舉自漢薦辟諸科歷唐宋以來舊志所載者因之訛者正之缺者補之我 朝重制科至詳至備恩選皆登錄焉歲貢惟錄其稍著者

一封廕繫選舉後隄邑所報不無脫漏耳目所及者登之餘不能紀

一武科惟錄赴京中式者同封廕附選舉末以武材崛起而勳業卓絕者並錄之

一名宦在揚 皇休急民命功烈表著者傳之事約則附雖卑秩不遺惟其賢

一流寓自漢唐以來槩多名賢不得以徙謫替也舊祗沿其文彩名位盡濫收入而惡極罪大乃寓賢羞與伍者今別為罪放載外志

一 人物表先法後而理學尤重其中忠烈孝友隱逸文苑各自為科在貴不徇雖微必錄而準於三十年者俟論之定也其不限年例惟表表數人而已

一 邑志人物不能悉登之郡志郡志人物不能悉登之通志者等殺然也故郡邑人物通志所錄不盡徇云

一 人物以戴黃二氏通志為主唐宋人物不妄增一人懼年遠失實也 國朝縉紳其陟崇階居要秩而二志不收子史無攷者必當時無所建明亦不

輕入一人若夫芳標偉行晦于側微即前志未錄間拔一二斯固古人闡幽之意

一 忠烈稽其節義昭著抗賊而死特加贈廕者錄之武職陣亡及土人攘寇保境不幸罹害者不錄

一 文苑惟以才名甄錄及著作徵之故不求備不拘年例

一 列女視 令甲所表章或孀嫠憤烈及孝義在人雖不登於 令甲亦備書之以厲女操

一 文藝蔚為國華文獻藉焉表山川增形勝係民事

則錄餘則畧

一僊釋視其顯著寺觀視其賜額收之外志各覽題咏選附之

一外夷惟內附者書之如番舶黎峒獐獠狗伶種類殊而貽患一也近則濠鏡久借呂宋突至夷情叵測不可不備故特詳外志

一雜錄凡周禮所謂地厯方厯與稗官小說及耳目所睹記關於粵者載之見縣宇之大無不有也

廣東通志總目

天部 卷之一至卷之二 藩省志

地部 卷之三至卷之四 藩省志

玄部 卷之五至卷之六 藩省志

黃部 卷之七至卷之九 藩省志

宇部 卷之十至卷之十一 藩省志

宙部 卷之十二至卷之十三 藩省志

洪部 卷之十四至卷之十五 郡縣志

荒部 卷之十六至卷之十八 郡縣志

日部 卷之十九至卷之二十 郡縣志

月部 卷之二十一至卷之二十二 郡縣志

盈部 卷之二十三 郡縣志

昃部 卷之二十四 郡縣志

晨部 卷之二十五至卷之二十六 郡縣志

宿部 卷之二十七至卷之二十九 郡縣志

列部 卷之三十至卷之三十一 郡縣志

張部 卷之三十二至卷之三十三 郡縣志

寒部 卷之三十四至卷之三十六 郡縣志

來部 卷之三十七至卷之三十八 郡縣志

暑部 卷之三十九至卷之四十一 郡縣志

往部 卷之四十二至卷之四十四 郡縣志

秋部 卷之四十五至卷之四十七 郡縣志

收部 卷之四十八至卷之五十 郡縣志

冬部 卷之五十一至卷之五十二 郡縣志

藏部 卷之五十三至卷之五十四 郡縣志

閏部 卷之五十五至卷之五十六 郡縣志

餘部 卷之五十七至卷之五十九 郡縣志

成部 卷之六十至卷之六十二 郡縣志

歲部 卷之六十三至卷之六十五 藝文志

律部 卷之六十六至卷之六十七 外志

呂部 卷之六十八至卷之六十九 外志

調部 卷之七十 外志

陽部 卷之七十一至卷之七十二 外志

廣東通志目錄

卷之一

藩省志一

輿圖

分野

沿革

氣候

卷之二

藩省志二

事紀一

卷之三

藩省志三

事紀二

卷之四

藩省志四

事紀三

卷之五

藩省志五

事紀四

卷之六

藩省志六

事紀五

卷之七

藩省志七

公署 學校總 禮儀總

卷之八

藩省志八

兵防總上

卷之九

藩省志九

兵防總下

卷之十

藩省志十

秩官

卷之十一

藩省志十一

名宦

卷之十二

藩省志十二

名宦二

卷之十三

藩省志十三

名宦三

監

卷之十四

郡縣志一

廣州府

輿圖 風俗

沿革

山川

卷之十五

郡縣志二

廣州府

城池

公署

卷之十六

郡縣志三

廣州府

學校 橋渡

坊都 水利

驛鋪

卷之十七

郡縣志四

廣州府

戶口

賦役

鹽課

卷之十八

郡縣志五

廣州府

兵防 古蹟

壇廟 坐墓

亭榭 七產

卷之十九

郡縣志六

廣州府

職官

卷之二十

郡縣志七

廣州府

選舉

卷之二十一

郡縣志八

廣州府

名宦

卷之二十二

郡縣志九

廣州府

流寓

卷之二十三

郡縣志十

廣州府 人物一

卷之二十四

郡縣志十一

廣州府 人物二

卷之二十五

郡縣志十二

廣州府 人物三至八

卷之二十六

郡縣志十三

廣州府 人物九

卷之二十七

郡縣志十四

韶州府 輿圖至水利

卷之二十八

郡縣志十五

韶州府 戶口至土產

卷之二十九

郡縣志十六

韶州府 職官 選舉

卷之三十

郡縣志十七

韶州府 名宦 流寓

卷之三十一

郡縣志十八

韶州府 人物

卷之三十二

郡縣志十九

南雄府

輿圖至土產

卷之三十三

郡縣志二十

南雄府

職官至人物

卷之三十四

郡縣志二十一

惠州府

輿圖至風俗

卷之三十五

郡縣志二十二

惠州府

城池至水利

卷之三十六

郡縣志二十三

惠州府

戶口至土產

卷之三十七

郡縣志二十四

惠州府

職官 選舉

卷之三十八

郡縣志二十五

惠州府

名宦至人物

卷之三十九

郡縣志二十六

潮州府

輿圖至公署

卷之四十

郡縣志二十七

潮州府

學校至水利

卷之四十一

郡縣志二十八 潮州府 戶口至土產

卷之四十二

郡縣志二十九 潮州府 職官 選舉

卷之四十三

郡縣志三十 潮州府 名宦 流寓

卷之四十四

郡縣志三十一 潮州府 人物

卷之四十五

郡縣志三十二 肇慶府 輿圖至公署

卷之四十六

郡縣志三十三 肇慶府 學校至水利

卷之四十七

郡縣志三十四 肇慶府 戶口至土產

卷之四十八

郡縣志三十五 肇慶府 職官 選舉

卷之四十九

郡縣志三十六 肇慶府 名宦 流寓

卷之五十

郡縣志三十七 肇慶府 人物

卷之五十一

郡縣志三十八 高州府 輿圖至土產

卷之五十二

郡縣志三十九 高州府 職官至人物

卷之五十三

郡縣志四十 廉州府 輿圖至土產

卷之五十四

郡縣志四十一 廉州府 職官至人物

卷之五十五

郡縣志四十二 雷州府 輿圖至土產

卷之五十六

郡縣志四十三 雷州府 職官至人物

卷之五十七

郡縣志四十四 瓊州府 輿圖至風俗

卷之五十八

郡縣志四十五 瓊州府 城池至水利

卷之五十九

郡縣志四十六

瓊州府

戶口至土產

卷之六十

郡縣志四十七

瓊州府

職官選舉

卷之六十一

郡縣志四十八

瓊州府

名宦至人物

卷之六十二

郡縣志四十九

羅定州

全

卷之六十三

藝文志上

書目

卷之六十四

藝文志中

碑記

卷之六十五

藝文志下

詩賦

卷之六十六

外志一

仙釋

卷之六十七

外志二

寺觀

卷之六十八

外志三

罪放

貪酷

卷之六十九

外志四

番夷

卷之七十

外志五

猺獞

俚戶

雜蠻

倭夷

卷之七十一

外志六

雜錄上

卷之七十二

外志七

雜錄下

外志十


雜錄十

廣東通志卷之一

藩省志一

輿圖

職方氏掌輿圖與土訓誦訓相表裏斯不出戶而阨
 塞利害可坐策也粵隸荒服廣州中奠環以九郡若
 碁置焉譬諸腹心四體皆天委和少有疾痛痲癢其
 脉絡靡不貫急則互維之緩則互調之期以共厝諸
 安運化視身而粵政一矣爰及位署登諸繪事自臺
 臣以至百司奉職者揚離局者擯其靖共爾位乎




廣東省城圖

廣東通志

卷一

二



東廣古揚州裔土周顯王時楚敗越越遂散處江南海上謂之百粵秦有五嶺之役監祿鑿靈渠通離水

以臨西江俗謂肇慶江亦曰廣西江任囂城樂昌以扼中江俗謂南雄

江而龍川處東江上游以屬尉佗俗謂惠州亦曰龍川江遂攔

然舉橫浦湟谿陽山三關皆在中江九泥而封之用霸南

海漢武始瞰其阻仍豫章入滇桂陽入湟于是三關

洞開而中江險奪矣復用越將出兩軍西下蒼梧東

次陽海皆未至而番禺底定旋至合浦珠崖儋耳皆

入而郡縣置者非獨形勢便也蓋亦風氣開闢有其

會焉自是張津士燮表立交州移治南海吳始即其

地建廣州為專部而唐宋之東西分道已權輿於此

矣今五嶺不改于昔也試令土訓掌圖惟巋然大庾

爾而騎田都龐臨源芒渚故在郴永桂林之境不入

幅幘然介閩越引甌駱山盡于海若萬騎雲立而飲

下天池亦一壯哉四塞之國乎頃歲總督重臣鎮端

廣置帥府文武將吏握符展采畫地而守之視昔加

密其郡首曰廣州府三司諸道同城其北三百五里

曰韶州府東北百五十里曰南雄府是為嶺南道其

東二百二十里曰惠州府六百五十里曰潮州府是
 為嶺東道西北三百三十里曰肇慶府鎮城啓焉又
 逾西江而西百九十里曰高州府是為嶺西道又西
 北七百一十里曰羅定州直隸藩司轄以羅定道皆
 新設其海岸之北八十里曰廉州府迤南二百里曰
 雷州府是為海北道又南六十里處海上曰瓊州府
 是為海南道諸材官亦分水陸守望鱗次惟島夷杳
 在海外舟輻倏忽可至則水犀之卒三路樹防惠潮
路廣州為中路高雷廉瓊為西路而內之厓山虎頭勢若兩門為會

城司鑰要以慎固封守而牖戶預為綢繆茲固政之
 善經也

分野

夫司天在南土則日中星鳥尚矣顧其事專於授時
 猝有飛流鬪犯隕守芒角之徵則非分星莫辨溯其
 始蓋與律度相準後寢廣之以察妖祥詔脩省而緯
 候日區別矣春秋史墨有占姑不遠述左傳昭公三十二年吳伐
越史墨曰越得歲而第以世紀考之自斗十一度至
吳伐之必受其咎娶女七度為星紀揚州吳越之次於辰在丑律為黃

鍾斗建在子此其較著也其間又或分星分度不同
天官書獨主南斗語稍闕畧迨明興諸臣之作一統
志也始考鏡於班固與僧一行之說以廣州九郡並
屬牛女而旁蠡翼軫爲廉州燦然辨矣今四寓安瀾
環海之外以爲帶脫有星微則上下交引咎而務正
厥事敢諉分疆要以當其分者慎之若農之有畔然
後天戒爲克謹也若陳卓分星以配郡僅取諸吳越
故疆而東南負海諸郡不入儒者錮於方位又疑星
紀比而吳越在南顧昔人以表景揆度計一度可二
千九百三十餘里今盡討吳越及濱海之地以配度
數尚爲有餘律始黃鍾故星如爲日月五星之中道
其南北相直精氣必遠而相麗屬儻置海國於度外
不占又欲其封域與星皆不違咫尺此何籍於保章
氏哉故畧之他若以越故占者雖凌雜米鹽亦稍存
其說不廢使觀象者知其興政事相俯仰而共圖欽
若也

分星之異

春秋元命苞 牽牛流爲揚州分爲越國

星經 南斗牽牛吳越之分野揚州

天官書 斗江湖牽牛婺女揚州

淮南星部地名 斗牽牛越涓女吳

史記正義 涓女越之分野斗牛吳之分野

唐天文志 南斗為吳分牽牛為越分婺女當九河

未派比于星紀與吳越同占

分度之異

帝王世紀 昔黃帝受命始推分星次以定律度自
斗十一度至婺女七度一名涓女曰星紀之次於辰

在五亦謂之赤奮者於律為黃鍾斗建在子今吳越
分野

月令章句 自斗六度至涓女二度謂之星紀之次

大雪冬至居之越之分野

晉天文志 自南斗十二度至涓女七度為星紀於

辰在丑吳越之分野揚州

此與上世紀少斗一度餘皆同費直說周易又起斗十度陳卓以會稽豫章等九郡分配星度又起斗十度迄女六度今不詳載

唐天文志 自河南下流窮南紀之曲東南負海為

星紀初南斗九度餘四千四十二抄十二太中南斗

二十四度終女四度負淮水南盡東海又逾南河而南涉越門訖蒼梧南海逾嶺表自韶廣以西珠崖以東為星紀之次

大明一統志廣州牛女分野南雄韶州肇慶高州雷

州瓊州同惠州女潮州牽牛廉州翼軫今志以此為據諸家與此

合者附載于下

星經 牽牛六星次三星主南越其氏云次二星主南夷

星經 女前十六星近九坎東主十二國鄭北一星

曰越

前漢地理志 粵地牽牛婺之分野

南越志 南粵之地牛女分野楊州之末土也

通典 牽牛婺女越之分野

宋史 廣南當牛女之分

唐天文志 翼軫逾南紀盡鬱林合浦之地故廉以

西亦鶉尾之墟又連州屬桂陽郡領於荊州為翼軫之次一統志不載以統于廣也其州

志仍屬鶉尾今附見于此

占星考証

星經 熒惑主衡山荆楊交州

唐天文志 星紀鶉尾以負南海其神主於衡山熒

惑位焉

宋天文志 三台六星兩兩而居其西近文昌二星

曰上台為司命下一星主荆楊

論語摘輔象 兗豫屬上台荆楊屬下級

星經 玉衡第六星主楊州常以五巳之日候之戴

云於五星在熒惑於北斗在權星於三台在司命下星指此考之北斗第六星名開陽權乃第四星主荆陽為是

南越志 秦二世二年十月五星聚于東井任囂

天文曰秦方喪亂此南方偏霸之象也考之星經河

戌六星夾東井當南北兩河各三星南曰南戌主越

門北曰北戌主胡門東井秦分也漢王以十一月入

關是為星聚東井之應其東井傍之南即為南戌主

越門餘氣及之以胡對越可知其為南越偏霸之象

也黃志謂東井位對南斗此

論曰大東之五章於織女牽牛有望心焉讀其詩

想其時困激至此邑然傷之質以天官家言織女在天漢東北津其比地為須女與牽牛共司南紀而粵當其星次之盡迺今利孔蝟出民不勝其求得無有徼惠于天若東人哉顧其精為積氣不可窺彼跂然睨然亦豈能以列象而前民用惟是辨封域以察精侵居常則奉若不違遇譴告則惕躬交省而改紀其政以脩烝庶之和斯服箱不以牛服章不以女于綦組任載豈乏用哉故星土有占其言豈能屢中一有當裨益非小寧賅而存之若

拘方位南北苛求其徵應稍弗驗輒黜其說以為謬悠而無據是亦天變不足畏者等爾故今志首圖經繼分野以二者為綱假令俯察不籍仰觀曷從彖贊書稱欽崇天道克謹天戒二者皆為政之首務也今島船夜行占星以若干指若中國度數某處避其險往往與針路相準不謬暹羅牽牛在西古里織女在東蘇門錫蘭山織女皆在西北彼國來則織女皆東自一指至十七指有差豈每中亦兼察星紀也摘針路全書附載

沿革

昔顓頊養材任地南至交趾其後疆域代易大都本

堯典申命羲叔則稱交本少康庶子封會稽則稱越
 本禹貢揚州又稱揚粵云成周翟翠之獻列在王會
 至夷王世楚熊渠始伐揚粵以自廣數傳熊商翦而
 臣之其散處江南海上猶蒙故號私雄長者蓋靡得
 而綴也秦二十五年王翦征百粵以尉屠睢將五軍
 僅下西甌南粵陸梁羈縻而已二十六年置尉監典
 之粵尋叛復使任囂趙佗畧定為南海桂林象郡是時
始皇二以囂為南海尉今樂昌佗令龍川二世初佗
十二年因往代囂遂擊并桂林象郡為南武王都番禺漢高

帝五年詔以其地王吳芮芮惟得長沙佗據三郡如
 故十三年遣陸賈封之次年又詔南武侯織王南海
 治羸樓亦不克就國武帝元鼎五年始命伏波將軍
 路博德樓船將軍楊僕平之置南海鬱林即秦蒼梧
 合浦交趾九真日南即秦七郡元封初復得海上大
 州置儋耳珠崖五年始置交趾部刺史持節察舉九
 郡後儋耳併入珠崖又徙治蒼梧廣信建武十八年
 馬援平交趾并邑漸增綏和初置高興郡靈帝改建
 安八年交趾刺史張津太守士燮共表立交州十五

年始以南海為交州刺史部治番禺十八年遙屬荆

州二十二年統于吳交州刺史步騭復築佗故城黃

武五年始立廣州領南海鬱林蒼梧高涼四郡從交

治龍編俄復舊永安八年復立廣州領前郡四稍析

置桂林高興寧浦以益之又於交部復珠崖析合浦

置北部都尉附于廣晉置交廣都督西南兩江各設

督護以司之時廣州領郡凡十繼又增置八郡高興今化

州後并高涼○寧浦今廣西橫州南寧○桂林今西

省○始興今南韶○始安今平樂○臨賀今賀縣連

原四郡共領十郡○又晉興今廣西南寧○東官今

東莞惠潮○晉康今德慶州○新寧今新興縣○永

平今廣西梧州○新會今縣○新安今

合浦高州○義安今潮州凡共增八郡自後或省并

增置靡常不悉載劉宋置越州刺史治合浦與交廣

為三梁取宋齊諸郡稍省并為州置廣州都督府總

之又置東江都護陳因焉隋於廣循二州并置總管

府廣治大庾循治龍川二十二年復并入廣治南海

大業後廢州為郡唐興復改郡為州貞觀初始定為

嶺南道開元後置採訪及五管經畧節度之使皆廣

為治所其分地則連入桂管廉今入容管欽入邕管

而廣今韶府循今惠州府潮今端府慶今肇府康封恩春新今肇慶屬

勤龍今羅定地高今高府潘羅辯今高州屬雷今瓊府崖儋振萬安

今瓊州屬二十一州廣管領之咸通二年析為嶺南東道

而西道別治邕州乾寧二年升為清海軍節度未幾

為劉龔所據僭號南漢其安南管自唐末曲顛據後

世有叛服稱外藩矣宋開寶四年置廣南東路安撫

使司即唐節度使署皇祐四年又以撫司兼經略使

時東路諸司以潛邸陞府者肇慶軍節度徽宗邸德

慶高宗邸英德寧宗邸廣州帝昺升元置廣東道宣慰司

及肅政廉訪司於廣州又置海北海南道宣慰司及

肅政廉訪司於雷州隸江西行中書省

高皇帝統一寓內建立廣東等處承宣布政使司領

廣州韶州南雄惠州潮州肇慶高州雷州廉州瓊州

十府與今州八縣七十有五建立廣東提刑按察司

廉察十府州縣又建立廣東都指揮使司領廣州左

右前後南海廣海清遠惠州碣石潮州肇慶神電雷

州廉州海南十五衛與今千戶所五十有二而提衡

以藩臬使者為三司歲遣監察御史巡按事竣而報

代自洪武三十二年設撫臣景泰二年始晉總督兼

撫兩廣成化六年始開府蒼梧以爲常嘉靖四十五年屢以山海軍興移鎮肇慶始改關嶺西憲署爲府其時間一設撫臣罷之隆慶四年廣西始專巡撫於是督府獨兼巡撫廣東節制兩廣如昔肇慶遂爲重鎮總兵向皆掛印蒼梧亦自四十五年始析置鎮守廣東以潮州爲戎府萬曆三年又置副總兵於漳潮四年總兵始建府於廣州外城西南副總當閩廣山海之湊而嚴鍵之駐南澳其藩司叅政叅議臬司副使僉事各有分道而內道在廣州曰清軍道一則藩司右堂一則臬兼驛傳領之主通省士伍凡籍曰糧儲道主田賦藩司任之曰提學道萬曆七年割瓊州學校隸之海南兵巡今校士士凡九府曰屯鹽道兼水利二道皆臬司任之此外守巡爲重藩司主分守臬司主分巡兼詰戎則通號兵巡先年廣州一守一巡海道專制海舶萬曆八年議并廣州兵巡以海道兼領曰兵巡海道與分守同駐廣州而南韶兵巡駐韶州總曰嶺南道其兼制惠潮曰嶺東道向亦守巡各一後又置伸威道萬曆八年改伸威爲肇慶兵巡

今守駐惠州防山巡駐潮州防海兼制高肇曰嶺西道守駐高州巡改惠伸威駐肇慶鎮城又設羅定道萬曆五年羅旁平改肇慶兵巡駐羅定州雖專道而與嶺西相夾輔曰海北兵巡道駐廉州兼珠池曰海南兵巡道駐瓊州兼學校曰海北海南分守道駐雷州與二道兼制三府諸叅遊建牙要害亦各有信地焉其疆界北楚東閩西蒼梧南至于天池蓋方四千里云北至江西贛州府信豐縣界千三百二十里東北至江西贛州府安遠縣界千四百二十里東至福建漳州府漳浦縣界千二百一十五里西北至大庾嶺千三百二十里西至廣西梧州府蒼梧縣界

七百五十四里西南至交趾分茅嶺界二千八百里東南至惠州府河源縣界外大海南至香山縣又越南至瓊州府澄邁州昌化縣界外大海自布政司至南京四千三百九十里至京師七千八百三十五里

形勝

東廣諸山其總首在黔蜀至蜿結而為封域凡二支西北支近起於粵西之始安越城嶠即五嶺之一其麓陂陀屬平地當秦鑿湘灘二水中潛行漸起而益雄峻都龐騎田峙在柳桂境而北芒渚峙而西在永明賀縣界翕集而趨大庾關為脊循脊東下其北抱中原其南迢布而降起為羅浮垂岫而東包揭嶺屬之海堧又逆而

西至海豐新安而盡凡為府六廣州居會南韶居輿
 肇慶居上游惠潮居苑中其水則滇海焉吞吐廣州
 西上三水之口則粵西三江出封川經肇慶鎮城而
 下瀆水武溪出南韶貫湟川而下皆來注之東則接
 惠陽龍川之水又別出為十六溪與潮之三河入焉
 西南支遠起交趾徼外歷廣源州以入粵西思明上
 思二州之境其西叢起為分茅嶺盡防城之曲折而
 南入靈山岡阜綿亘數百里與西土州邑相犬牙其
 下迸出為東西二山轉高涼東迤為海墘至恩平新

會而盡凡為府四州一高雷

羅定居當關其水則瀧出羅定當封川下流西江受
 之雷水廉江與鑑江羅竇諸溪皆歸于海而瓊環海
 中若蜃結焉於以總其形勝則背倚五嶺肩抗羅浮
 揭嶺南輿以接漳閩黎婺分茅以控屬國而面海諸
 山與西樵白雲矗立於重溟之上若碁布焉可俯而
 拾也故其位莫離明與山海之氣交積足以阜民物
 育才賢駸駸與上國並而俯仰不給或生狡心又易
 挺而走險故扞掇與拊循並用猶之兩驂缺一不可

昔人謂形勝雖強要以仁義爲本司土者尚厝心于斯矣

氣候

四序殊氣五方不同候故脩國典論時令百司庶職用以佐天子行天地之氣焉揚越之地天地盛德寄旺於火故曰炎徼其土少陰多陽一歲之間暑熱過半如木火受令啟天地之房其生物常早正月桃李花二月蠖蝨鳴蚯蚓出王瓜生苦菜秀之屬然生而不堅其氣常泄也金水司令固天地之藏常遲九月

稼登十月水始涸蟄蟲坏戶草木黃落之屬蔽凍不密氣不收斂也四時花冬果熟微霜不殺草濕蒸中人多寒熱之症煖風所至百騰時起此四時之氣候也一日之間雨暘寒暑頃刻輒易或沉陰連晝暑濕驅人或隆冬且扇或一雨成凍或晝燠夜寒此一日之氣候也山居嶺壑盤鬱氣多靈毒嵐烟四塞停午不開暑雨衝激暴而成瘴五月曰青草九月曰黃茆曰桂花菊花其中於人也多生疾或黃羸足重偏枯癰疥不一矣瀕海地氣稍舒海濤噴薄暴風來格而

青草黃芩之瘴亦時所有也此山海之氣候也廣州
壤地夷曠山川平遠瘴癘絕少雖北人流寓視為樂
土而惠潮次之肇高雷廉逮于南韶諸州總號瘴鄉
然其氣候亦自分南北南韶山多倚北而冬雪瓊管
環海宅南而常燠其颶風之起也瓊為甚至韶南而
力未矣其作也斷虹先兆俗呼為颶母海氣沸騰水禽逐
跡間日狂飈震撼毀屋拔木徙舟于陸浮直棲于樹
其勢起東北而竟西南謂之蕩西又謂之迴南二晝
夜乃息又有石尤風其作也黑雲翔湧猝起俄頃而

行急徙避之又夏月暴雨風起飛砂勢如萬馬謂之
青凍觸之皆令人感逆氣成病此風之異也其常盛
多南風臘除而作謂之送年南北風驟作謂之暴北
又諺云朔北春南夜東又曰朝三暮七子役不踰
日以占長則風朝平則風止以湖占也又
曰急風藥言不失時也此十郡之氣候
大都守士務稼百工獻
力商賈以此

廣東通志卷之二
大略... 中... 日... 又... 冬... 青... 行...

廣東通志卷之二

藩省志二

事紀一

春秋之法於事必書其大者蓋有此宇宙則有此事物而粵事殆紀自帝世云尚書言堯宅南交舜巡南衡帝德之光丕冒海隅有自來矣禹導黑水入于南海湯定獻令及于南裔霧霧然與中國章圖戴志始於漢喻尉佗黃志始於周武定藩服亦未核其繇也蓋自帝王之世歷今二千餘年事之

變遷何異奕棋由今考昔何異觀火分合殊時廣
 狹殊制治亂殊轍君子小人殊途天人休咎殊應
 事有萬變理惟至一何可使堙物無傳耶爰臚而
 列之濫者削之訛者正之諸凡如楚赴荆徙戎次
 鄂之類皆非粵事不宜書盧循徐道覆蕭簡之亂
 命當削而不書吳處默之節包孝肅之廉唐質肅
 之介之類當書卒具其前官孔芝李遷仕之逆孫
 譚常朗之貪酷之類皆直書之此萬世所鑑戒也
 皇明聖聖相承治化淪濡洽于嶺海二百年來粵人

得蒙至治之澤豈其微哉今詳紀之于篇

堯命羲叔宅南交

按堯典曰申命羲叔宅南交朱晦菴云南交曰南則晷短多暑之地

舜巡狩至衡之南

奏韶樂于其上因名韶州又為東衡州今有舜祠有九成臺

禹導黑水入于南海

按禹貢曰導黑水至于三危入于南海唐樊綽云麗水古黑水也

湯始定南越獻令

按汲冢周書云湯問伊尹以諸侯來獻方物定為獻令伊尹請定南

蠻令以珠璣瑇瑁象齒文犀翠羽菌鶴短狗為獻

周武王十有三年初定南海為藩服

通曆王既滅殷乃正九服徹法

以南海地在東南揚州之裔定為藩服乃經土地而井牧其田野以距于海

十有四年初通關旅儋耳入貢

十有八年夏王南巡狩大師陳詩至于南海通曆五月王南

巡狩至于南岳衡山告革命以與天下更始命大師陳列國之詩以觀民風其采詩則揚荆之音焉夷樂

周成王七年周公作周髀測景至于南海通曆周公攝政七年

禮樂成問於大夫商高立周髀以測日景明筭王曆其後有榮方者述而成之言周公測景時北極出地至朔方而益高南極

入地至南海而益下

十年越裳氏來賓通鑑外紀交趾之南有越裳氏來朝重三譯而獻白雉

十四年東越海陽貢蚌蛤按汲冢周書云成王定四方貢獻東越蚌蛤甌人蟬

蛇大蜃海陽大蜃註云東粵甌人皆交州屬

二十一年春蠻揚貢翟逸周書四夷朝于成周畢貢方物蠻揚以翟翟鳥羽也

夷王八年楚熊渠伐揚粵

宣王二年王命召公虎平淮南之夷疆理至于南海

時淮夷作亂王命召公虎帥師循江漢討平之至于南海疆理其地俾出貢賦南方底寧

惠王六年王命楚子熊惲鎮南方夷越楚成王惲即位布德施惠

使人獻于天子天子賜胙曰鎮爾南方夷越之亂無侵中國於是楚地千里南海臣服焉

安王十八年楚吳起帥師伐越通曆起南平蠻越畧越江南地遂兼有蒼

梧蓋南海未盡臣服為越所制

顯王三十五年越伐楚楚子熊商大敗之越遂散處

江南海上是為百粵史記越王無疆時興師伐齊齊使人說越王曰越不伐楚大不

王小不伯於是越遂釋齊而伐楚楚威王興兵而伐之大敗越殺王無疆盡取故吳地至浙江而越以此散處於江南海上臣服朝於楚謂之百粵

秦始皇帝二十五年遣將王翦南征百粵悉定其地

通曆秦將王翦定江南地遂南有百粵

二十六年置尉監典南越以屠睢為南海郡尉史祿

為南海郡監南海志秦定天下三十六郡郡置守尉監而別置南海尉監統南粵蓋粵尚未

服難以置守惟置尉監以兵制之

二十九年南粵叛秦秦遣屠睢將五軍監祿轉餉以

討南粵粵人皆遁漢書秦欲威海外使尉屠睢將樓船之士攻百越使監祿鑿渠運糧

深入越地越人遁逃曠日持火食盡越人擊之秦兵大敗

三十二年秦師及粵人戰秦師敗績粵人殺其將屠

睢淮南子人間訓秦皇利越之犀角象齒翡翠珠璣乃使尉屠睢發卒五十萬為五軍一軍塞罽城之

嶺一軍守九疑之塞一軍處番禺之都一軍守南野之路一軍結餘干之水三年不解甲弛弩使監祿轉

餉又一卒鑿渠而通糧道以與越人戰殺西甌君譯吁宋而越人皆入叢薄中與禽獸處莫肯為秦置桀

駿為將而夜攻秦人大破之殺尉屠睢伏尸流血數十里

三十三年秦遣任囂趙佗擊南越平之置三郡以任

囂為南海郡尉趙佗為龍川縣令史記發諸嘗通亡人贅壻買人為兵

畧取南粵陸梁地置桂林南海象郡遣佗將謫徙民五十萬人戍五嶺與越雜處

三十四年謫治獄吏有罪者處南越地有罪謂治獄不直及反覆

獄故失者覆獄者奏當已成而覆按之也故者知其當罪與不當罪而故出入之失者誤出入也

二世皇帝元年以女無夫家者萬五千人予南越史記

秦使尉佗踰五嶺安百越佗知中國勞極使人上書求女無夫家者三萬人以為士卒衣補秦皇帝可其萬五千人於是百姓離心瓦解欲為亂者十家而七

二年番陽令吳芮率百粵以伐秦漢書吳芮秦時番陽令也甚得江湖

間民心號曰番君天下初叛秦也黥布歸芮芮妻之因率越人舉兵以應諸侯及項羽相王以芮率百越佐諸侯從入關仍立芮為衡山王

漢高帝元年冬十一月粵將軍梅鋗帥戶將胡害隊

將搖毋餘從漢王破秦兵入關漢書梅鋗番君將也帥越戶將胡害隊將

搖毋餘從破秦入關定三秦漢王拜胡害毋餘皆為都尉將兵擊項籍南海尉任囂卒

趙佗代為尉擊弁桂林象郡通鑑囂病且死召佗即被佗書行南海尉事囂

死佗即移檄告橫浦陽山潢谿關曰盜兵且至急絕道聚兵自守因稍以法誅秦所置吏擊弁桂林象郡

佗改南海為南武自立為南武王都番禺史記漢書俱作南粵

武王謂武為謚非也佗改南海為南武耳自立非王命故不書元年

六年春三月庚子漢封越將梅鋗胡害搖毋餘皆為

列侯漢書鋗以功大最先封臺侯二千戶胡害封昔侯搖毋餘封海陽侯千六百戶

十一年南越武王五月遣陸賈封佗為南越王漢書帝已

黃龍

定天下為中國勞苦故釋佗不誅乃詔曰佗治南方甚有文理中縣人以故不耗滅粵人相攻擊之俗益止俱賴其力今立佗為南粵王與剖符通使使陸賈即授璽綬使和輯百粵母為南邊害賈至尉佗雖結箕踞見賈賈因說佗使佗歸漢封佗為南粵王令稱臣奉漢約歸報帝大說拜賈為太中大夫自是佗始變醜結襲南越王佗遣使貢獻築臺朝漢西京雜記南越王尉冠冕焉

佗獻高祖鮫魚荔枝高祖報以蒲桃錦四疋佗築朝臺朔望升拜以朝漢在州城北

十二年春二月立南武侯織為南海王漢書詔曰南武侯織亦粵

之世輔也立南越擊交趾交州外域記以為南海王南越擊交趾交趾昔未為郡縣有雒田沒潮水上下民墾食之因名為雒民設

立為安陽王後南越王佗舉立為安陽王後南越王佗舉眾攻安陽王敗之遂有雒越

惠帝元年南海王織不克就國

二年秋七月南越王稱臣奉貢遣使賚之

高皇帝后呂氏元年夏四月丙寅封中大夫張買為

南宮侯漢書買越人父初為高帝騎將從軍有功卒以買為中大夫至丞相審食其言之乃封買

為侯子生嗣爵建元初有罪廢

呂氏禁南越關市鐵器史記南越與長沙接境有司請禁粵關市鐵器大事記解

題四夷不王中國閉關以絕之然後貿易有禁今佗奉貢職而有司乃有此請宜其叛也或曰不禁之是

遺之以戎器之資有南越使內史藩中尉高御史平

司之請豈為過哉如京師皆留不遣

呂氏春南越王趙佗自稱南武帝

史記佗曰高皇帝立我通使物今聽

讒臣別異蠻夷隔絕器物此必長沙王計也佗乃自稱南武帝

七年南越王佗侵長沙遣將軍隆慮侯周竈擊之史記

去高后遣將軍隆慮侯竈擊之

呂氏罷討南越兵史記會暑濕士卒大疫兵不能踰

八年兵威邊以財物賂遺閩粵西甌駱役屬焉東西萬餘里迺乘黃屋左纛稱制與中國侔

文帝元年秋遣太中大夫陸賈諭南越佗謝罪去號

上書貢獻漢書文帝為佗親冢在真定者置守邑歲時奉祀官其從兄弟厚賜寵之以陸賈為

太中大夫賜佗書曰皇帝謹問南粵王甚苦心勞意朕高皇帝側室之子今即位乃者聞王遣將軍隆慮

侯書求親昆弟請罷長沙兩將軍朕以王書罷將軍博陽侯親昆弟在真定者已遣人存問脩治先人塚

前日聞王發兵於邊為寇災不止當其時長沙苦之南郡尤甚雖王之國庸獨利乎必多殺士卒傷良將

吏寡人之妻孤人之子獨人父母得一亡十朕不忍為也願與王分棄前患終今以來通使如故故使賈

馳諭告王朕意上褚五十衣中褚三十衣下褚一十衣遣王願王聽樂娛憂存問鄰國佗恐乃頓首謝願

奉明詔長為藩臣奉貢職於是獻白璧一雙翠鳥千犀角十紫貝五百桂蠹一罍生翠四十雙孔雀二雙

陸賈還報文帝大悅

四年淮南王長言南海王織反遣其中尉簡忌擊之

漢書南海民處廬江界中者反淮南王長遣將軍簡忌將吏卒擊之上遣使者齎帛五十疋以賜吏卒勞

者苦

五年南海王織以其軍降處之上淦織上書獻璧帛

漢書南海王織上書獻璧帛長沙將簡忌擅燔其書不以聞吏請召治忌長不遣

景帝三年吳王濞反連南越漢書濞起兵廣陵後敗走閩越閩越攻而殺之

南越因南越王佗遣使入朝請漢書佗稱臣遣使入朝請然其居國竊號

如故其使天子稱王朝命如諸侯

武帝建元元年置越騎校尉漢書注如淳曰越人內附以為騎也

建元四年南越王佗卒孫胡嗣漢興七十年佗蓋百歲矣胡嗣位猶稱帝於其國

建元六年秋閩越王郢攻南越遣大行王恢大司農

韓安國擊之閩越人殺郢以降漢書閩越王郢興兵南擊邊邑南越守天

子約不敢擅發兵而使人上書以聞上多其義大為發兵遣兩將兵誅閩越淮南王安上書諫曰越人自

相攻擊而陛下發兵救之是以中國而勞蠻夷也是時漢兵遂出踰嶺適會閩越王弟餘善殺王以降於是罷

遣中大夫莊助使南越以世子嬰齊入宿衛漢書

上嘉淮南王之意羨將卒之功乃令莊助諭意南越王頓首曰天子乃幸與兵誅閩越死無報德即遣太子嬰齊隨助

以番陽令唐蒙諭南越通夜郎漢書大

入侍宿衛因兵威使番陽令唐蒙風曉南越食蒙蜀拘醬蒙問所從來曰道西北牂牁江江廣數里出番禺城下蒙

歸說上曰南越王黃屋左纛地東西萬餘里名為外臣實一州王竊聞夜郎所有精兵可得十萬浮船牂

牁出不意此制粵一奇也誠以漢之疆巴蜀之饒通夜郎道為置吏甚易上許之

元朔六年南越王胡薨世子嬰齊嗣

嬰齊立即藏其先武帝文帝璽

注李奇曰去其僭號也

葬南越文王

遣使諭南越王嬰齊用

漢法

元狩二年夏南越獻馴象能言鳥

大事記解題曰南越之師蓋兆於此

南越遣子次公入宿衛

史記嬰齊長安時取邯鄲膠氏女生子興及即位上書請

立穆氏為后興為嗣漢數使使者諷諭入見嬰齊固稱病遣子次公入宿衛

南越王嬰齊

卒世子興嗣

漢書嬰齊粵妻生子建德封高昌侯元鼎四年立建德為王高昌今揭陽之東

也 潼浦

元鼎四年遣諫大夫終軍等諭南越入朝

漢書興立其母為太

后太后自未為嬰齊妻時嘗日與霸陵人安國少季通及嬰齊卒後元鼎四年漢使以安國少季諭王王太后

又使諫大夫終軍使越說其王欲令入朝軍自請願受長纓必羈南越王而致之闕下軍遂往說越王越

王聽許請舉國賜南越大臣印綬除其肉刑 史記王

內屬天子大悅 后中國人勸王求內屬即因使者上書請比內諸侯

三歲一朝除邊關天子許之賜其丞相呂嘉銀印及

內史中尉太傅印餘得自置除其黥 癸惑守南斗 漢

天文志元鼎中癸惑守南斗師古曰南斗越分也 夏

四月遣校尉韓千秋摎樂伐南越相呂嘉遂反

屯兵石門禦之 漢書王王太后飭治行裝重資為入

書數諫不聽至是 嘉殺漢使者終軍弑其王興及王

聞漢兵至嘉遂反

卷之三

九

王茂芬

太后嫪氏

遣人告蒼梧秦王及其諸郡縣

立高昌侯建德為王以兵

擊千秋等滅之

漢書嘉立明王長男高昌侯建德為王而韓千秋兵之入也破數小邑未

至番禺四十里粵以兵擊千秋等滅之

赦天下令粵人及江淮之師討

南越

漢書帝乃赦天下令粵人及江淮以南樓船十萬師往討之

鼃與蝦蟇鬪

五行志是歲四將軍眾十萬征南越開九郡此其兆與書之紀異也

秋遣伏波將軍路博德樓船將軍楊僕等擊南越

漢書

本紀遣伏波將軍路博德出桂陽下湟水樓船將軍楊僕出豫章下澗水歸義越侯嚴為戈船將軍出零陵下濂水甲為下瀨將軍下蒼梧皆將罪人江淮以南樓船十萬人越馳義侯遣別將巴蜀罪人發夜郎兵下牂牁河江

咸會番禺

東越兵至揭陽

通鑑東越王餘善上書請以兵八千從擊呂嘉

至揭陽不行以風波為解陰通南粵

元鼎五年夏四月封樛廣德韓延年為列侯

廣德樛樂之子

延年韓千秋之子也以其父死王事封樂為龍亢侯延年成安侯

元鼎六年冬十月伏波將軍路博德樓船將軍楊僕

師入番禺南越將軍畢取及南海太守棄皆降于博

德遣司馬蘇弘等追獲王建德相呂嘉遂滅南越

漢書

六年冬樓船將軍將精卒先陷尋陘破石門得粵船粟控粵鋒以粵數萬人待伏波將軍俱進樓船居前

至番禺建德嘉皆城守樓船自擇便處居東南面伏波居西北面會暮樓船攻敗粵人縱火燒城粵素聞

伏波暮不知其兵多少伏波乃為營遣使招降者賜印綬復縱令相招城中皆降伏波呂嘉建德以夜與

其屬數百人亡入海伏波又問降者知嘉所之司馬蘇弘得建德粵即都稽得嘉戈船下瀨將軍兵及馳義侯所發夜即兵未下南粵已平十月上行東將幸緱氏至左邑桐鄉聞南越破以為聞喜縣春至汲新中鄉得呂嘉首以為獲嘉縣馳義侯南越揭陽令史遺兵未及下上便令征西南夷平之

定蒼梧王趙光桂林監居翁皆降遂定南越地置九

郡漢書蒼梧王趙光與粵王同姓聞漢兵至降桂林

南海蒼梧鬱林合浦交趾九真日南珠厓儋耳為九

自尉佗王凡五世詔南海以荔枝龍眼充貢遂建扶

荔宮三輔黃圖扶荔宮在桂林苑中武帝元鼎六年破南越起扶荔宮以相所得奇草異木菖蒲百

本山薑十本甘蔗十一本白木十本桂百本密香指

甲花百本龍眼荔枝檳榔橄欖千歲子甘橘皆十本

上木南北異宜時歲多枯瘁歲貢遣中尉王温舒出

郵傳疲斃於道實為生民之患

梅嶺擊東越漢破番禺東越兵不至楊僕請從便擊之上以士卒勞倦未許令屯梅嶺以待

命餘善聞之遂反殺三校尉上乃遣僕出武

林温舒出梅嶺擊之明年東越殺餘善降

元鼎六年冬十二月論平越功路博德益封楊僕趙

光畢取蘇弘史定俱封為列侯按漢書是年樓船將軍楊僕征南越摧鋒

陷陣封將梁侯伏波將軍路博德仍舊侯益封六百

戶趙光隨桃侯畢取睢侯蘇弘海常侯孫都臨蔡侯

史定安道侯居翁相成侯又以南海太守棄子嘉為涉都侯

元封四年遣術陽侯趙建德使南海坐逆不道誅書

封建德侯三

千戶僅四年

君聘

元封五年初置交趾部刺史領七郡治廣信大事記武帝元

封五年初置部刺史掌奉詔條察州秩六百石置交趾刺史別於諸州令持節治蒼梧

征和四年交趾蠻叛殺珠厓太守孫幸幸子豹討平

之語在本傳

昭帝始元五年夏六月罷儋耳郡屬珠厓漢書罷儋耳真番郡

儋耳越地直番朝鮮地也

宣帝神爵元年春正月交趾九真獻奇獸漢書註獸

牛角仁而愛人或曰白象非也三月發越騎詣金城漢書越騎越人善騎射歸漢者

發詣金城擊死羌屬後將軍趙克國

神爵三年交趾珠厓反

甘露二年交趾珠厓郡反夏四月遣護軍都尉張祿

將兵擊之漢書珠厓自初為郡至昭帝始元初二十餘年凡六反神爵三年珠厓三縣反至是

九縣皆反

元帝初元二年擊珠厓不克師還通鑑初武帝滅南越開置珠厓儋耳

郡在海中洲吏卒皆中國人多侵陵之二十餘年間凡六反至宣帝時又再反上即位之明年珠厓山南縣反發兵擊之上博謀於羣臣欲大發兵待詔賈捐之請棄珠厓專用恤關東為憂上以問丞相御史御史大夫陳萬年以為當擊丞相于定國以為前日與兵擊之連年無功今關東困乏民難搖動捐之議是上從之

初元三年春詔棄珠厓

漢書詔曰珠厓虜殺吏民背畔為逆今關東大困倉庫空

虛無以相贍又以動兵非特勞民凶年隨之其罷珠厓郡民慕義內屬便處之不欲勿疆

成帝綏和元年春三月設交趾合浦郡都尉

漢書郡尉秦官

掌佐守典武職甲卒比二千石景帝更名都尉至是詔邊郡置都尉及千人司馬皆不治民交趾合浦亦皆有

哀帝建平二年夏四月罷州牧復刺史

元壽二年秋七月徙北鄉侯傅晏少府董恭方陽侯

孫寵關內侯張由等于合浦

漢書孫寵嘗附董賢告東平王后呪詛得封哀帝崩有司奏寵等造作奸謀免官徙合浦張由誣言中山太后詛上孔光請免為庶人徙合浦時哀帝是

傅氏退居桂宮父北鄉侯晏及董賢父少府恭皆免官爵徙合浦

平帝元始元年春正月越裳氏重獻白雉

按通鑑外紀云越裳

國在交趾之南重譯獻白雉一黑雉二自周武王十年以來歷千年而再見也

徙郎中令冷

漢書初哀帝以定陶王入為王太子遂即位追尊定陶共

王為皇又尊傅太后為共皇太后丁后為共皇后褒猶奏言不宜復引定陶藩國之名以冠大號宜為共

皇立廟京師師冊駁其議被貶遂廢廟號褒猶皆徙合浦而封州為義陽侯

二月令天下復

貞婦鄉一人

顏師古曰鄉一人取其最貞者

夏五月置交趾部大司

農丞勸農桑

漢書云黃支國

名顏師古曰黃支在日南國之南去京師三萬餘里以錫光為交趾太守漢書凡交趾所統雖置郡縣而言語各異重譯乃通錫光為太守於是教其耕稼制為冠履初設媒娉始知姻娶建立學校導之禮義

元始三年令天下立學官按郡國曰學縣邑侯國曰校由是學校徧南土

元始四年春二月遣太僕王憚等分行天下選通經術者按漢書舉士始有貢上國者其後陳元張重出焉

元始五年夏四月徙母將隆立丁亥趙昌于合浦按漢書母將隆忤董賢王莽被論與中謁者史立侍御史丁亥尚書令趙昌俱免官徙合浦

二月王莽廢中山王后衛氏徙合浦漢書后帝舅衛寶女平帝以中

山王入繼大統宗室子成都嗣中山王後寶女桂陽為成都后王莽殺衛氏支屬遂免后徙合浦

太守銚猛卒漢書猛子期服喪三年鄉里稱之後期事光武有功行大將軍事封安成侯謚

曰忠其志義可稱云

新莽文秋七月置交趾牧後改交州牧莽大夫楊雄交州牧歲交州荒裔水與

天際越裳是南荒國之外爰自開闢不羈不畔周公攝祚白雉是獻昭王陵遲周室是亂越裳絕貢荆楚

逆叛四國內侵蠶食周室臻于季報遂以亡滅大漢受命中國蕪該南海之宇聖武是恢稍稍受羈遂臻

黃支抗海三萬來牽其犀盛不可不憂隆不可不懼顧瞻陵遲而忘其規摹亡國多逸豫而存國多患難泉竭中虛池竭瀕乾牧臣司交敢告

執憲後罷交趾象郡屬鬱林牂牁

光武建武元年桂陽太守張隆取豫章漢書初宗室劉信據豫章

光武即位桂陽太守張隆擊破之乃請洛陽降

建武五年冬十二月交趾牧鄧讓率七郡守相遣使

入貢通鑑王莽末交趾諸郡閉境自守岑彭素與交趾牧鄧讓厚善與讓書陳國家盛德又遣偏將軍屈充移檄江南班行詔命於是讓與江夏太守侯

太守田翕蒼梧太守杜穆交趾太守錫光等相率遣使貢獻封交趾太守錫光為

列侯以任延為九真太守通鑑錫光者漢中人在交趾教民夷以蠶穀帝後以

宛人任延為九真太守始制婚姻之禮教民夷以蠶穀帝後以

民以別種姓嶺南華風始盛於二守焉牂牁遣使

從番禺江奉貢南越志番禺縣西有江浦通牂牁郡公孫述時大姓龍傳尹董氏與郡功

曹謝暹保境為漢乃遣使從番禺江奉貢光武嘉之並加褒賞

十一年交趾九真徼外

張游入貢

漢書徼外蠻

游率種人慕化內封為歸漢里君

武十三年九月交趾日南徼外蠻獻白雉白兔

武定為交趾太守

按定至交趾以法繩下徵側徵貳忿而反遂遣伏波將軍馬援

武十六年春交趾女子徵側徵貳反

漢書徵側者

之女也嫁為朱戴人詩索妻甚雄勇交趾太守蘇定以法繩之側忿故反以其女弟徵貳為副於是九真

日南合浦蠻俚皆應之凡畧六十五城自立以谷朗

為九真太守

朗湘廣耒陽人以太中大夫征交趾事平補九真太守

建武十八年春二月馬援擊徵側等於浪泊大破之

○十九年夏四月徵側徵貳伏誅漢書軍至浪泊上與徵側等戰大破

之斬首數千級降者萬餘人援追徵側等至禁谿數敗之賊遂散走四月斬徵側徵貳傳首洛陽封援為新息侯食邑三千戶援請以其地立封溪望海二縣許之援所過輒為郡縣治城郭穿渠灌溉以利其民條奏越律與漢律駁者十餘事與越人申明舊制以約束之自後駱越奉行馬將軍故事瓊臺志交趾既定海外慕義貢獻始調立城郭九月馬援討賊至九

建銅柱于林邑界交趾平罷州牧置刺史

武二十年秋伏波將軍馬援振旅而還漢書援振旅還京師

人經瘴疫死者十四賜援兵車一乘朝見位次九

式還上之

明帝永平元年春賜交趾計吏金帛東觀漢紀交趾部刺史上計時

張重仲篤者為日南計吏至京召對賜金帛後位通顯

永平十七年春二月儋耳來獻漢書西南夷哀牢儋耳儁僂槃木白狼動

結諸種前後慕義貢獻儋耳降附武始侯張奮來朝上壽

永平十八年以儋耳太守僮尹為交趾刺史

章帝建初八年開交趾入貢嶠道通鑑會稽鄭弘為大司農時交趾七

郡貢獻轉運皆從東治汎海而至風波艱阻沉溺相

在弘奏開零陵桂陽嶠道自是夷通遂為常路和元年春正月交趾日南徼外蠻獻生犀白雉漢書

日南徼外蠻夷究不事

蒙獻生犀白雉

和帝永元元年春三月詔減交趾茂才為四品交廣記曰

南塞年不遷有老母年九十有餘乃上

書乞減一百石長庶得其俸以養母詔聽除

補南陽新蔡以甫為准率減交趾茂才皆為四

品甫始也按制茂才三品得為令而長次之

和年號永元前志作永初誤今改之

永元十二年夏四月日南蠻反郡兵討破之漢書曰南象林

蠻夷二千餘人寇掠百姓燔燒官寺郡縣發兵討擊

斬其渠帥餘眾乃降於是置象林將兵長史

思罷南海獻龍眼荔枝漢書舊南海獻龍眼荔枝

奔騰阻險死者繼路時臨武長汝南唐差上書陳狀

帝下詔曰遠國珍羞木以薦奉宗廟苟有傷

民之本其勅大水旱求直言交趾舉方正養奮入對

奮字叔高鬱林人

安帝永初元年詔交趾開九真徼外境漢書九真徼

舉土內屬開境夏四月至于九月交趾諸郡大雨六

千八百四十里

風雹山水暴至

元初元年春二月己卯日南地拆漢書地拆長百八

月蒼梧鬱林合浦盜十里其後三年正

賊羣起劫畧吏民

元初二年春正月蒼梧鬱林合浦蠻反二月遣侍御

史任連督州郡兵討之漢書連奉詔赦三月丙辰赦

之賊皆降散

蒼梧鬱林合浦南海吏人爲賊所迫者○冬十一月
蒼梧鬱林合浦蠻降

延光元年八月辛卯九真言黃龍見○冬十二月九
真徼外蠻貢獻內屬

延光二年夏六月九真言嘉禾生東觀漢記九真獻
嘉禾百五十六本

七百六
十八穗

延光三年夏日南徼外蠻內屬秋七月其豪帥入貢

延光四年夏五月壬辰桂陽太守文龔獻大珠詔還

之通鑑詔曰海內頗有災異朝廷脩政太官減膳珍
玩不御而桂陽太守文龔不惟竭忠宣奉本朝而

遠獻大珠以求幸
媚今封以還之

順帝永建元年春正月詔交趾部賑貧窮

永建六年冬十一月日南徼外葉調國揮國遣使貢

獻東觀漢記葉調國王遣使師會詣闕貢獻以師會
獻爲漢歸義葉調邑君賜其君便及揮國王雍由等

金印
紫綬十二月壬申客星出牽牛

永和二年夏五月日南蠻攻郡府交趾刺史樊演發

九真交趾兵救之○秋七月交趾九真二郡兵反漢書

永和二年日南象林徼外蠻夷區憐等數千人攻象
林縣燒城寺殺長吏交趾刺史樊演發交趾九真二
郡兵二萬餘人救之兵士憚遠役遂反會侍
御史賈昌使在日南卽與州郡并力討之八月庚

子熒惑犯南斗

永和三年夏六月九真太守祝良交趾刺史張喬招

日南叛蠻降之嶺外平

漢書帝召公卿百官及四方掾屬問其方畧皆議遣大將

發荆陽交豫四萬人赴之大將軍從事中郎李固駁議言發將無益之故州郡守任之驗宜更選有勇畧

仁惠任將帥者以為刺史太守悉使共任交趾今日南兵單無穀守既不足戰又不能可一切徙其吏民

比依交趾事平之後乃命歸本還募蠻夷使自相攻轉輸金帛以為其資有能反間致頭首者許以封侯

列土之賞故并州刺史長沙祝良性多勇決又南陽張喬前在益州有破虜之功皆可任用者帝從固議

由是嶺外復平

永和五年春二月以交趾刺史張喬為執金吾

漢書明

以喬行車騎將軍將兵屯二輔

永和六年以交趾太守周敞為交趾刺史

晉志交趾太守周敞

求立為州朝議不許即拜敞為交趾刺史

建康元年冬十月日南蠻復反交趾刺史夏方討平

之以方為桂陽太守

漢書日南蠻夷千餘人復攻燒縣邑遂扇動九真與相連結交

趾刺史九江夏方開恩招誘賊皆降服時梁太后臨朝羨方之功遷為桂陽太守

桓帝永壽三年夏四月九真蠻叛都尉魏朗擊破之

漢書居風令貪暴無度縣人朱達等及蠻夷相聚攻殺縣令眾至四五千人進攻九真九真太守兒式戰

死詔賜錢六十萬拜子二人為即九真都尉魏朗討破之斬首二千級渠帥屯據日南衆轉疆盛

延熹三年復以夏方為交趾刺史冬十一月叛蠻降

漢書方威惠素著日南宿賊聞之二萬餘人相率詣方降

延熹五年夏五月長沙零陵賊起攻桂陽南海交趾

刺史侯輔出奔遣御史中丞盛脩督州郡討之不克

通鑑長沙零陵賊合七八千人自稱將軍入桂陽蒼梧南海交趾交趾刺史侯輔及蒼梧太守其定望風

逃奔賊遂攻沒蒼梧取銅虎符冬十一月桂陽太守李温會車騎將

軍馮緄大破蠻賊於零陵温尋罷歸

延熹六年春馮緄軍還夏四月賊復寇桂陽太守廖

折出奔漢書長沙武陵蠻並皆降散聞軍還復聚冬十一月桂陽賊寇郡

界通鑑桂陽賊李研等寇鈔荆部州郡不能禁武陵蠻復反零陵太守陳球武陵太守陳奉討平之而

州兵朱蓋等反與桂陽賊胡蘭數轉攻零陵已而蘭蓋皆降云

延熹七年夏五月桂陽賊胡蘭朱蓋等復反中郎將

度尚擊破斬之桂陽太守任胤坐避敵棄市漢書蘭蓋等復

反攻沒郡縣轉寇零陵太守陳球拒之遣中郎將度尚長沙太守抗徐等擊蘭蓋大破斬之蒼梧太守張

敘為賊所執又桂陽太守任胤背敵畏懦皆棄市賊遂轉寇南海陷之秋七月荊州刺

史度尚討零陵桂陽盜賊及蠻夷大破之至南海餘

寇悉平漢書桂陽蒼梧南海三郡皆沒於賊遣御史中丞盛脩募兵討之不能尅尚書朱穆舉尚

自石校令擢為荊州刺史尚躬率部曲與同勞逸廣募雜種諸蠻夷明設購賞進擊大破之降者數萬人

桂陽宿賊渠帥卜陽潘鴻等畏尚威烈徙入山谷尚窮追數百里遂入南海破其三屯尚部下所掠多珍積不欲進尚乘其出獵私焚之眾還泣涕尚人人慰勞深自咎責因曰卜陽等財寶足富數世諸卿但不并力耳所亡少何足介意眾聞咸憤踊尚勅令秣馬葺食明日徑赴賊屯陽鴻等自以深固不復設備吏士乘銳遂大破平之封度尚為右鄉侯遷桂陽太守尚出兵三年群寇悉定

守漢書明年徵還京師

延熹八年春正月桂陽賊入蒼梧執交趾刺史葛祗

漢書荆州刺史史芝及祗皆為賊所拘畧夏五月太守張叙棄市坐不能討賊也

徵交趾刺史張磐下廷尉漢書度尚上言蒼梧賊入荆州界於是徵交趾刺史

張磐下廷尉辭狀未正會赦見原磐不肯出獄因具狀以聞廷尉以其狀上詔書徵尚到廷尉辭窮受罪

以先有功得原磐字子石川陽人以清白稱終於廬江太守日南徼外大秦來獻

大秦王安敦遣使漢世惟一通焉

靈帝建寧元年春改高興郡為高涼秋九月曹節矯

詔殺竇武流其家屬于日南按竇武陳蕃同心戮力以獎王室謀誅宦官曹

節王甫節甫等遂奏誣蕃武廢帝為大逆即日收蕃送北寺獄殺之武自刎梟首都亭遂徙武家屬於日南

三年鬱林烏潯蠻相率內屬鬱林太守谷永以恩信招來之開置七縣

熹平二年冬十二月日南徼外國重譯貢獻

光和元年春正月合浦交趾烏潯蠻叛漢書招引九真日南民攻

殺郡縣

光和四年南海太守孔芝反夏四月交趾刺史朱雋

討合浦交趾烏滸蠻破之漢書交趾賊梁龍等萬餘人與南海太守孔芝反叛

攻破郡縣光和元年即拜雋交趾刺史今過本郡簡

募家兵及所調合五千人分為兩道而入與七郡兵

俱進逼之遂斬梁龍降者數萬人旬月盡定以功封都亭侯 孔芝伏誅

光和六年春正月日南徼外國重譯貢獻

中平元年夏六月交趾屯兵反執合浦太守來達刺

史賈琮撫平之漢書舊交趾土多珍產明璣翠羽犀象瑇瑁異香美木之屬莫不自出前任刺史率多無清行吏民怨叛中平元年交趾屯兵反執刺史及合浦太守來達自稱柱天將軍靈帝特勅三府精選能吏有司舉琮為交趾刺史琮到部移書告示各使安其資業招散蠲徭誅刺渠帥選良吏

守郡縣百姓以安巷路為之歌曰賈父

來晚使我先反今見清平吏不敢犯

中平二年詔交趾茂才與中州同選一統志李進交趾人代賈琮為

刺史自吳甯減品後人才不振進乃奏請交趾依中

州例貢士其後阮琴以茂才仕至司隸校尉人才得

與中州同選自進復之

中平三年春正月以交趾刺史丁宮為光祿勳漢書

元權沛國人為光祿勳三年代許相為司空中平五年為司徒六年七月罷

中平四年春三月改刺史為州牧

獻帝初平元年以巫令士燮為交趾太守吳志士燮字威彥蒼梧廣信人也父賜桓帝時為日南太守燮少游京師事潁川劉子奇治左氏春秋察孝廉補尚書郎公事

免官父賜喪闕後舉茂以朱符為交趾刺史

建安元年夷賊殺交趾刺史朱符

漢書會稽朱符至州多以鄉人虞褒

劉彥之徒分作長吏侵虐百姓疆賦於民黃魚一枚收稻一斛百姓怨叛山賊並出攻州突郡符走入海

流離困苦復為夷賊所殺交趾太守士燮署其弟壹為合浦太守

武為南海太守

吳志交州刺史朱符為夷賊所殺州郡擾亂燮乃表壹領合浦太守次弟

徐聞令勳領九真太守勳弟武領南海太守燮體氣寬厚謙虛下士中國士人往依避難者以百數耽玩

春秋為之注解陳國袁徽與尚書令荀彧曰交趾士府君既學問優博又達於從政處大亂之中得保一

郡二十餘年疆場無事民不失業羈旅之徒皆蒙其慶雖竇融保河西曷以加之

建安二年以張津為交趾刺史

漢書註南陽張津代符為刺史貪鄙雖不

類符而很戾酷似與

荆州刺史劉表為際

建安八年改交趾為交州增置州牧

交廣記刺史張津令交趾太守

士燮表言伏見十二州皆稱曰州而交獨為交趾刺史何天恩不平乎若普天之下可為十二州獨不可

為十三州乎臣昧死以請詔報聽許賜交州牧使持節給鼓吹

津交州牧以州邊遠使持節并七郡皆受鼓吹以重威鎮加以九錫彤弓彤矢及六佾之舞禮樂征伐威

鎮南夏與中州方伯齊同自津始也南方草木狀津嘗以益智粽餉曹操惡之

建安十二年交州牧張津為其將區景所殺劉表遣

賴恭代之詔以交趾太守士燮為綏南中郎將董督

七郡

通鑑津好鬼神舍前聖典訓廢漢家法律嘗著絳帕頭鼓琴燒香讀邪俗道書云可以助化為

其將區景所殺津與朱符皆少檢攝威武不足為下所侮遂至於敗荆州牧劉表遣賴恭代津

建安十四年以士燮為安遠將軍封龍度亭侯吳志是時

天下喪亂道路斷絕而燮不廢貢職特復下詔拜安遠將軍封龍度亭侯

建安十五年徙交州刺史治南海交廣春秋交州初治羸樓縣元封五

年移治蒼梧建安十五年孫權以番禺太守步騭行交

州刺史吳志騭始為權書記後領番禺太守歲中徙交州刺史立武中郎將領武射吏千人便道

南冬十月以步騭為交州牧士燮兄弟為合浦九真南海太守雄長一方孫

權乃表騭為牧燮兄弟承節度南土以寧

建安十六年劉表將吳巨逐賴恭奔零陵吳志恭零陵人仁謹

不知時事表又遣長沙吳巨為蒼梧太守巨武夫不為恭服恨而舉兵逐之於是恭奔歸零陵以會步騭

步騭殺吳巨及其都督區景遂入南海交廣春秋時道路不通蒼

梧太守長沙吳巨擁眾五千騭有疑於巨先使諭巨巨迎之於零陵遂得州巨既納騭而悔騭以兵少恐

不存立巨有都督區景勇畧與巨同上樂為用騭惡之陰使人請巨巨告景勿詣騭騭請不已景又往

乃於聽事前中庭俱斬以首徇衆吳巨故將衡毅等拒騭戰于高要

敗績死之交廣春秋步騭殺吳巨區景使嚴舟船合兵二萬下取南海蒼梧人衡毅錢博宿部

伍興軍逆騭於蒼梧高要嶮口兩逢於是遂與交戰毅眾投水死者千餘人

建安十八年春正月庚寅并交州以屬荆州

建安十九年夏五月孫權取桂陽郡吳志權以劉備已得益州使魯

肅以萬餘人屯巴丘以禦備將關羽備懼失益州遣使求和權令諸葛瑾報更尋盟好遂分荊州長沙江夏桂陽以東屬權南郡零陵武陵以西屬備

建安二十二年刺史騭築州城

延康元年孫權徵步騭還以呂岱為交州刺史吳志

交州義士萬人出長沙會劉備東下武陵蠻夷蠢動權命騭上益陽備既敗績而陵桂諸郡猶相驚擾處處阻兵騭周旋征討皆平之

至是徵騭以岱為刺史交趾太守士燮高涼帥錢

博降交州太守士燮遣子應入質權以為武昌太守燮壹諸子在南者皆拜中郎將燮又誘導益州

豪姓雍闓等率郡人民使檣東附權益嘉之遷衛將軍封龍編侯弟壹偏將軍都鄉侯燮每遣使詣權致雜香細葛輒以千數貢馬百匹明珠大貝瑋瑁犀象之屬無歲不至權輒為書厚加寵賜以答慰之時錢

博據高涼亦乞憐岱因承制以博為高涼西

郡都尉又鬱林夷賊攻圍州縣岱討破之桂陽洵

陽賊王金寇南海刺史岱討平之吳志桂陽洵陽賊王金合衆於南海

界上首亂為害權又詔岱討之縛金傳送都斬首獲生凡萬餘人遷安南將軍假節封都鄉侯

昭烈帝章武元年帝在蜀以庾降都督李恢持節領

交州刺史入于平夷廣州平夷縣與蜀江通故恢遙領交州至平夷住焉曹丕

以吳王孫權為大將軍使持節督交州領荊州牧

○魏主曹丕求珠貝于吳通鑑魏文帝遣使求雀頭香明翠鬪鴨長鳴鷄於吳

吳群臣曰荆揚二州貢有常品魏所求珍玩之物非禮也宜勿與吳王曰方有事於西北江表元元恃主為命彼所求者於我瓦石耳孤何惜焉且彼在諒闇之中而所求若此寧可與言禮哉悉以與之

章武二年

吳大帝孫權黃武元年

吳建國復置交州

吳志權以楊越蠻夷

未平漢帝來伐故卑辭上書于魏求自改屬且曰若罪在難辭必不見置當奉還土地人民乞寄命交州以終餘年魏主優詔報之已而改元黃武臨江拒守

漢帝禪建興四年

吳黃武五年

吳交趾太守士燮卒

吳志燮卒

年九十權以燮子徽為安遠將軍領九真太守以校尉陳時代燮

秋七月吳以交州

三郡為廣州以呂岱為刺史

吳志權因岱表言交趾縣遠乃分合浦以北為

廣州岱為刺史交趾以南為交州戴良為刺史

吳交趾亂刺史岱誘士徽殺

之除廣州復為交州

吳志呂岱留南海戴良陳時俱

趾太守發宗兵拒良良留合浦呂岱被詔誅徽自廣州將兵晝夜馳入過合浦與良俱前岱與徽弟巨有

舊移書諭徽復遣巨說之徽率兄弟六人肉袒奉迎

岱謝令復期前至郡下明旦岱施帳幔請徽兄弟以

次入賓客滿座岱起擁節讀詔書數徽罪過縛以出

皆伏誅傳首武昌徽大將甘醴桓治等率吏民攻岱

岱奮擊大破之於是除廣州復為交州如故

吳封刺史岱為番禺侯

建興六年吳改合浦為珠官郡

建興七年

吳黃龍元年

詔以交州屬吳徵李恢還

建興九年

吳黃龍三年

吳召刺史岱還

吳志守謁者僕射薛綜懼繼岱者非

其人上疏曰昔帝舜南巡卒於蒼梧秦置桂林南海象郡然則四國之內屬也有自來矣趙佗起番禺懷

服百越之君珠官之南是也漢武帝誅呂嘉開九郡設交趾刺史以鎮監之然在九甸之外長吏之選類不精覈漢時法寬多自放恣故數反違法呂岱既至有士民之變越軍南征討平之日改置長吏章明王綱威加萬里大小承風由此言之綏邊撫裔實有其人若岱不復南新刺史宜得精密檢攝入郡方畧智計能稍稍以漸能治高涼者假其威寵借之形勢責其成效庶幾可補復如但中人近守常法無奇數異術者則群惡日滋又遠成害故國之安危在於所任不可不察也

建興十三年

吳嘉禾四年

魏以馬易珠翠於吳

吳志魏使以馬求珠

璣翡翠瑋瑁權曰此皆孤所不用而可得馬何苦而不聽其交易

吳以呂岱為交州牧

建興十四年

吳嘉禾五年

二月吳交州牧呂岱遣其將唐

咨討南海賊羅厲斬之

吳志將軍唐咨獲厲

建興十六年

吳赤烏元年

蒼梧錢博降于吳以博為高涼

都尉置高涼郡

延熈三年

吳赤烏三年

吳交州將廖式反州牧呂岱及將

軍唐咨討平之

延熈五年

吳赤烏五年

秋七月吳遣將軍聶友校尉陸凱

討珠厓儋耳以友為珠厓太守陸凱為儋耳太守

吳志

秋七月遣將軍聶友校尉陸凱以兵二萬討珠厓儋耳除友珠厓太守凱儋耳太守斬獲有功友遷丹陽太守凱遷為建武校尉 吳以鍾離牧為南海太守討高涼揭陽

賊降之

吳志高涼賊作亂牧越界計平之又揭陽則

在郡四年以疾去職

延熙八年

吳赤烏八年

吳徵太守牧為丞相長史

延熙十一年

吳赤烏十一年

吳以陸胤為交州刺史九真交

趾夷賊降

吳志交趾九真夷賊攻沒城邑交部騷動以胤為交州刺史安南校尉胤入南界喻

以恩信務崇招納高涼渠帥黃吳等支黨千餘人皆出降引軍而南重宣至誠遺以財幣賊帥百餘人

師次于南海浚甘溪

語在本傳

延熙十七年

吳王孫亮五年鳳元年

吳交趾稗草化為稻

景耀元年

吳景帝孫休永安二年

吳徵刺史胤為西陵督

景耀四年

吳永安四年

秋九月吳交州布山言白龍見

景耀五年

吳永安五年

吳使察戰鄧荀調交趾孔雀

吳志察戰官名

○晉書特交趾太守孫譚貪暴為百姓所患會察戰鄧荀至擅調孔雀三千頭遣送秣陵民苦遠役因謀作亂郡吏呂興殺譚及荀遣使請太守及兵於吳九真日南皆應之

炎興元年

吳永安六年

春二月吳立合浦北部

晉書吳復合浦郡名

分立北部以都尉領之夏五月吳交趾郡吏呂興反降魏晉書魏以興為交趾太守後為其功曹李統所殺冬魏人滅漢以漢建寧太守霍

弋為平南將軍遙領交州刺史

晉書初蜀以李恢為建寧太守遙領交州

刺史至是魏平蜀以蜀建寧太守霍弋遙領交州得
以便宜選州長吏弋受命與諸將盟誓取交廣遣楊
稷毛晃等

吳永安七年秋七月復分交州置廣州此後交州事始不書

吳主孫皓元興元年春魏置交趾太守遣將軍霍弋經畧交廣

通鑑魏遣將軍霍弋自寧州遣交趾太守楊稷等經畧交廣○按葉榆諸水皆出寧州界入交廣水陸並

通故也冬十月魏交趾太守楊稷遣毛晃董元攻合浦

通鑑吳交州刺史劉俊大都督脩則將軍顧容前後三攻交趾交趾太守楊稷皆拒破之鬱林九真皆附

於稷稷遣將軍毛晃董元攻合浦戰于古城大破吳兵殺劉俊脩則餘兵散還合浦稷表晃為鬱林太守

元為九真太守

吳甘露元年冬十一月吳以桂陽南部為始興郡是歲晉受禪

吳建衡元年冬十一月吳遣監軍虞汜等帥師往合浦擊

交趾吳志遺汜及威南將軍薛羽蒼梧太守陶黃由荆州監軍李勗督軍徐存從建安海道皆就合浦擊

交趾

吳建衡三年春三月吳蒼梧太守陶璜破交趾執晉守將

楊稷毛晃稷死于合浦吳志璜破交趾禽殺晉所置守將元真日南皆還屬吳時

稷等城中食盡死亡者半將軍王約反降吳人得入城復稷晃皆囚之稷至合浦嘔血死璜以晃壯勇欲

赦之晃前殺脩則則子允回亦殺晃亦不為璜屈乃斬之奏以允為合浦太守

吳天紀三年夏吳廣督將郭馬等反殺廣州督虞授秋

八月逐刺史徐旗殺南海太守劉畧吳遣將軍領廣

州牧滕諡討之吳志馬本合浦太守病住廣州處遣馬將

廷臣自至安撫諸夷允死馬因攻殺廣州督虞授

自號稱王族攻如與八月以執金吾滕脩為司空未

拜轉鎮南將軍假節領廣州牧率萬人從東道討馬

與族遇於始興未得前馬殺南海太守劉畧逐廣州

刺史徐旗吳復遣徐陵督陶濬將七千人使舟道命

交州牧陶璜部伍所須及合南鬱州諸郡兵與東

西軍共擊之漢晉春秋先是吳有說者曰吳之

敗兵起南裔七吳者公孫也船聞之文武職位至千

卒任有姓公孫者皆從其廣州不令信正處及聞

及人懼曰

此天亡也

廣東通志卷之二

廣東通志卷之二

廣東通志卷之二

廣東通志卷之二

廣東通志卷之二

廣東通志卷之二

廣東通志卷之二

